

四庫全書

史部

欽定四庫全書

浙江通志卷一百五十九

人物一

名臣二

湖州府

南北朝

沈演之

宋書本傳字臺真吳興武康人家世為將而折節好學以義理業尚知名舉秀才為錢唐

令有政績除司徒左司掾州治中從事史元嘉十二年東諸郡太水民人饑饉以演之兼散騎常侍

巡行拯卹許以便宜從事演之乃開倉廩以賑饑民刑獄有疑枉悉制遣之百姓蒙賴轉別駕從事史領本郡中正雅仗正義太祖甚嘉之以為右衛將軍遷侍中上欲伐林邑朝臣不同惟演之贊成上意及平賜羣臣物演之所得偏多遷領國子祭酒轉吏部尚書性好舉才申濟屈滯而謙約自持以疾卒太祖痛惜之追贈散騎常侍金紫光祿大夫諡曰貞侯

沈曇慶

宋書本傳吳興武康人初辟主簿出為餘杭令遷尚書右丞時歲有水旱曇慶議立常平

倉以救民急太祖納其言而事不行世祖踐祚遷祠部尚書卒曇慶謹實清正所蒞有稱績常謂子弟曰吾處世無寸能正圖作大老子耳世以長者稱之

沈冲

南齊書本傳字景緯吳興武康人舉秀才為撫軍正佐兼記室建元初轉黃門郎世祖即位轉

御史中丞沖兄淡淵並厯御史中丞兄弟三人皆為司直晉宋未有也世祖方欲任沖而卒惜之詔曰沖貞詳閑理志局淹正誠著蕃朝績彰出納追贈太保諡曰恭

沈君理

陳書本傳字仲倫吳興人博涉經史有識鑒尚會稽長公主高祖受禪拜駙馬都尉封永

安亭侯出為吳郡太守是時兵革未寧百姓荒弊軍國之用咸資東境君理招集士卒修治器械民下悅附深以幹理見稱世祖嗣位徵為侍中授左民尚書太建五年遷尚書右僕射卒贈開府儀同三司諡曰貞憲

宋

劉述

宋史本傳字孝叔湖州人舉進士累官侍御史授吏部郎中嘗言去奢當自後宮始章辟光宜

誅高居簡宜黜張方平不當參大政王拱辰不當
除宣徽使皆不報王安石叅知政事述兼判刑部
與安石爭謀殺刑名述不以為是及勅下述封還
中書執奏不已安石白帝詔開封府推官劾述罪
於是述率御史劉琦錢顗共上疏曰安石執政以
來未踰數月專肆胸臆輕易憲度操管商權詐之
術規以取媚宣宜處之廟堂以亂國紀願早罷遂
以慰天下元元之心疏上安石奏先貶琦顗開封
獄具述三問不承安石欲置之獄司馬光范純
仁爭之乃貶知江州卒紹興初贈秘閣修撰

劉誼

弘治湖州府志字宜翁長興人中西科熙寧中
持節南方請罷買沈香減鹽價四十餘事帝謂

輔臣曰劉誼論事有陸贄之風王安石銳意新
法誼上疏極諫不便坐是廢黜隱居三茅山

沈疇

宋史本傳字德侔德清人第進士崇寧中擢監
察御史詣匭上十事言花石擾民土木斲國冗

費多恩澤濫議論異同下情睽隔論最剴當進殿
中侍御史嘗經國子監門有小內侍從數騎絕道
突過騶卒追問不為止臺檄諸司捕之不獲時入
言之徽宗下內省跡治竟抵罪蔡京興蘇州錢獄
欲陷章綬於法遣李孝壽張茂直鞠之株連千百
強使承盜鑄誣服者甚衆帝遣畸往代畸至蘇即
日決釋七百人歎曰為天子耳目司而可傳會權
要殺人乎遂聞實平反以聞京怒削三秩貶監信
州酒稅卒建炎初贈龍圖閣直學士子濬官至右正言

劉珪

宋史本傳字希范長興人崇寧五年進士建炎
元年召為中書舍人既至極言南陽兵弱財單

乘輿無所取給乞駐蹕金陵以待敵遷給事中論
營造窳廣內降數出請營繕悉歸有司遷吏部侍
郎言淮甸備敵兵食為先今以降卒為見兵以糴
本為見糧維揚城池未修軍旅多闕卒有不虞何

以待之已而金人果乘虛大入帝亟如臨安以珪
知宣州俄復遷吏部尚書以久雨詔求直言珪疏
論消天變收人心其詞極激切并陳荆陝江淮
守禦之略珪知衡州以朝散大夫分司西京卒

沈與求

宋史本傳字必先德清人政和五年進士歷
除殿中侍御史上在會稽或勸幸饒信有急

則入闕與求以為今日根本正在江浙宜進都建
康以圖恢復復論范宗尹年少為相恐誤國事上
悅出知台州宗尹罷召還再除侍御史時方多事
百司稽違與求援元豐舊制請許臺諫官彈奏上
從之與求再居言路或疑凡范宗尹所引用者將
悉論出之與求曰近世朋黨成風人才不問賢否
皆視宰相出處為進退今當別人材邪正而言之
豈可謂一時所用皆不賢哉人服其言遷御史中
丞知無不言前後幾四百奏移吏部尚書除叅知
政事金人將入犯上曰朕當親總六軍與求贊之

曰今日親征皆由聖斷因奏諸將分屯江岸而敵人往來淮甸當遣岳飛自上流取間道乘虛擊之彼必有反顧之憂上曰當如此措置除知樞密院事薨諡忠敏

劉一止

劉寧止

宋史本傳一止字行簡歸安人登進士第紹興初除秘書省校書郎

遷監察御史時庶事草創有司以吏所省記為法吏並緣為奸一止曰法令其在吏猶得舞文矧一切聽其省記所欲與則陳與例欲奪則陳奪例與奪在其牙頰愚可勝言哉請以省記之文刊定頒行庶幾絕奸吏弄法受財之弊從之又請選近臣曉財利者倣劉晏法瀕江置司以制國用鄉村置義倉以備水旱增重監司之選後多採用其言遷給事中於凡貴近之請雖小事亦論執不置後致仕卒從弟寧止字無虞登宣和進士甲科建炎初為兩浙轉運判官苗劉之變寧止自毗陵馳詣京

口金陵見呂頤浩劉光世勉以忠義退而具軍須以佐勤王帝復位錄功進秘閣修撰累官吏部侍郎卒寧止慷慨喜論事上疏言闕失多人所難言如乞禁王安石日錄復賢良方正科用司馬光十科薦士法倣唐制宰執論事以諫官倚立皆其顯著者

李彥穎

宋史本傳字秀叔德清人紹興十八年進士調富陽丞以薦為御史臺主簿金人敗盟張

浚督師進討執政堅主和陳良翰周操不以為然右正言尹穡阿附執政薦引同己者轉言和於上前上惑之罷督府良翰操相繼黜而穡遷諫議大夫一日穡以和戰守叩彥穎彥穎曰人所見固不同公既以和義為是曷不明陳於上前以身任之事成功歸於公不成奉身而退若欲享其利而不及其害國事將誰倚穡大怒陰排之改國子博士權吏部郎中累遷吏部尚書進叅知政事時左司

諫湯邦彥新進冀倖集事自許立節彥穎言邦彥輕脫必誤國洎邦彥辱命彥穎論其罪貶新州彥穎在東府三歲實攝相事內降繳回甚多內侍白劄藉名造器械并犒師降旨發左藏封樁諸庫錢動億萬計彥穎疏歲中經費以進因言虞允文建此庫以備邊故曰封樁陛下有意恢復苟用之不節徒啟他日妄費失封樁初意上矍然曰卿言是朕失之矣日是絕不支墜馬在告力求去奉祠進觀文殿學士致仕薨贈少保諡忠文

周宗

宋史本傳字彥廣長興人以父任為郎紹興三

十年金渝盟邊事方興帥守難其選命宗守滁陽又徙濠梁淮楚舊有並由水置砦自衛者宗為立約束結保伍金主亮傾國犯邊民賴以全活除直秘閣再任孝宗受禪王師進取虹縣中原之民翕然來歸扶老携幼相屬於道宗許口給食行者

擢以牛酒至者處以室廬人人咸悅進直徽猷閣
帥維揚時兩淮經踐蹂民多流亡淙極力招輯安
堵如故未幾知臨安府上言自古風化必自近始
陛下躬履節儉以示四方而貴近奢靡殊不知革
乃條上禁止十五事上嘉納之積
階至右中奉大夫封長興縣男

沈樞

嘉靖安吉州志字持要初調彭澤丞用薦賜對
首論君子小人之辨高宗嘉之除監察御史厯

遷吏部侍郎會湯邦彥論葉衡援樞為證嘆曰此
張說故事也豈可畏禍而欺心坐是獲譴瑞州居
住尋起知溫州後以中大夫提舉
太平興國宮封安吉縣開國男

葛邲

宋史本傳字楚輔其先居丹陽後徙吳興登進
士第除國子博士輪對論州縣受納及鬻爵之

弊孝宗獎諭曰觀所奏知卿材除正言首疏言盈
虛之理隱於未然治亂之分生於所忽又論征權

歲增之害願明詔有司茶鹽酒稅比原額已增至一倍者毋更立新額庶稍蘇疲氓上特召復令條陳邨以六事對皆切中時病光宗受禪除叅知政事勸上專法孝宗上嘉納紹熙四年拜左丞相專守祖宗法度薦進人物博采公論惟恐不聞除少保致仕薨諡文定配饗光宗廟廷

莫濛

宋史本傳字子濛歸安人以祖蔭補將仕郎累官大理寺正黃州倅奏擒盜五十餘人上命濛

窮竟濛引倅至庭詢竊發之由鬪敵之所遠近時日悉皆牴牾折之語塞濛具正犯數人奏上餘釋之出知揚州陞辭上以城圯命濛增築濛至州規度城闔分授諸將各刻姓名甃堞間懸重賞激勸閱數月告成假工部尚書使金賀正旦金庭賜宴濛以本朝忌日不敢簪花聽樂金遣人趣赴濛堅執不從竟不能奪

沈復

兩浙名賢錄字德之德清人紹興中進士除宗正丞歷官工部侍郎一日上問版曹財用幾何

復一一奏對訖於所佩夾袋中取小冊進呈無毫髮差上大喜特拜端明殿學士同知樞密院事時大臣專政同列咸媚承之復凝然中立每公會一揖之外無他言有所論議不為少貶以資政殿大學士出知荆南四川鎮江福州所至風采聳然卒諡簡肅真德秀序其集謂有古大臣謇諤之風

倪思

宋史本傳字正甫歸安人乾道二年進士光宗即位遷中書舍人尋兼侍講思言唐制使諫官

隨宰相入閣今諫官月一對耳乞許同宰執宣引庶得從容論奏上稱善除禮部侍郎上久不過重華宮思疏十上會上召嘉王思言壽皇欲見陛下亦猶陛下之於嘉王也上為動容寧宗即位出知建寧府久之召還試禮部侍郎時赴召者未引對先謁侂冑或勸用近例思曰私門不可登矧未見

君乎逮入見首論言路不通士大夫寡廉鮮恥列
拜於勢要之門侂冑聞之大怒司諫毛憲劾思予
祠侂冑殛復召首對乞用淳熙例令太子聞議事
堂閑習機政又言侂冑擅命凡事取內批特旨當
以為戒除權兵部尚書兼侍講求對言大權方歸
所當防微一有干預端倪必且仍蹈覆轍蓋謂史
彌遠也徙禮部尚書彌遠擬除兩從官叅政錢象
祖不與聞思言奏擬除目宰執當同進比專聽侂
冑覆轍可鑒既而彌遠上章自辨思求去上留之
思言宜親擢臺諫以革權臣之弊並任宰輔以鑒
專擅之失彌遠懷恚思請去益力
除寶文閣學士予祠卒諡文節

沈作賓

宋史本傳字賓王歸安人以父任入仕慶元
初歷官至淮南轉運判官以治辨聞除龍圖

閣待制知平江府請得節制許浦水軍詔可郡有
使臣故海盜也作賓使招誘其黨既至慰勉之錫

衣物又得張勇者幾千人置將以統之號曰義士
復募郡城內外惡少亦幾千人號曰壯士衣糧器
械皆視官軍而輕捷善鬪過之於是海道不警市
井無譁召為戶部侍郎軍興之餘國力殫耗見存
金穀僅支旬日作賓考逋負梟吏奸閥三月即有
半年之儲進顯謨閣學士致仕卒於家贈金紫光
祿大夫

陳貴誼

魏了翁陳貴誼神道碑字正甫其先固始人
父宗召始徙居湖之武康慶元五年寧宗始

親策進士貴誼年十七擢乙科授瑞州推官嘉定
四年遷太學博士時宰建議更新楮券以一易二
期迫而錢無所出幾以四五易一宰心知其非而
恥於改令反以流竄籍沒從事行之踰年論報山
積楮直益損貴誼因輪對言楮券之令道路咨怨
因援熙寧新法為辭時相銜之賴公論以免寶慶

改元遷禮部侍郎陞尚書入對乞罷宴遊招離散
給以米粟假之室廬盡蠲竹木征榷以通商賈皆
見納用紹定六年進叅知政事上面諭曰頃聞憂
國之言朕所不忘於是人始知貴誼有輔贊彌縫
之功世不盡知也端平元年兼同知樞密院事王
師入汴洛貴誼時已移疾猶上疏力爭轉四官致
仕

明

嚴震直

分省人物考字子敏烏程人器宏識邁太祖
聞其名召至京擢通政司叅議尋陞工部右

侍郎轉拜尚書無何以事忤旨降監察御史奉命
至廣西修興安靈渠因其故道延袤五十餘里導
南北二江南江曰灘自蒼梧入於海北江曰湘由
洞庭轉長江達於京師治陡閘三十有六修石渠

以便行者通石函以利灌漑鑿去江灘礙舟之石
自是往來無虞工不重舉役不苟作歸奏太祖喜
曰廣西堤塘昔久不成今老嚴成此鉅功朕授任
得人矣陞都察院右都御史於風紀之原刑法之
重尤盡其心復拜工部尚書疏乞致仕成祖即
位召見命往山西宣布德意至澤州卒於公館

閔珪

獻徵錄字朝瑛烏程人天順甲申進士授監察
御史歷廣東按察使新會民嘯聚山谷爲亂珪

諭以大義貫其逋負遂安堵如故江西南贛盜起
擢都察院僉都御史巡撫江西至則舉廉斥貪勸
令薄賦革豪右橫取之弊京宦多不悅會妖人李
孜省得倖因言珪不勝任左遷廣西按察使弘治
初復官尋以都御史總督兩廣軍務番禺瀧水柳
慶平樂徭獠相繼爲亂督其下討平之進刑部尚
書屢治大獄皆會切情法加以仁恕孝宗嘗怒大
理少卿吳一貫親鞫於庭欲置重辟珪進曰一貫

推按不實罪當徙上怒不解珪力辨曰法如是足也一貫乃得免死宣撫逮妖人李道明蔓延百餘人巡撫欲張大以為功珪獻罪止道明餘悉縱免正德初請老卒贈太保諡莊懿

陳恪

兩浙名賢錄字國謹歸安人成化丁未進士授宿松知縣召拜監察御史以風力稱出為江西

按察副使惡劉瑾引歸瑾敗起貴州按察副使晉右都御史巡撫廣東尋擢大理寺卿卒其令宿松也辟荒萊田四百九十三頃清湖池歸貧民者一百三十所廩積三萬二千有奇修塘堰千五百區其在江右振大綱清庶務時宸濠蓄逆鈴制方面官以為已用恪不為奪凡議夫價賀禮多奉祖制逆折之濠怒甚召恪面加譙責恪執議如故濠益怒下令繫其屬吏恪揚言曰天子命吏非藩王所得擅囚必不得已當請之朝以定是非耳濠亦無可奈何而止及入正大理益勵勤以圖報稱人不

得干
以私

陸崑

南獻徵錄字如玉歸安人登第授清豐縣知縣擢

事皆關切時政多見採納正德間逆瑾恣橫崑上
疏列其奸狀逮獄加杖放歸田里瑾誅詔復原職

致仕

蔣瑤

兩浙名賢錄字粹卿歸安人弘治己未進士以
御史出守荊州府尋徙揚州會武宗南巡諸省

騷動凡乘輿供御及官守賂遺莫可貨算瑤曰備
亦罪不備亦罪備則患及下民不備則患止於身
惟站設二十更番迭遣以迎不復橫斂以悅權幸
江彬輩橫加折辱不為動一日上捕得大鯉戲言
值五百金彬請以畀瑤促值甚急瑤即脫妻女簪
珥及綈絹服數事以進帝熟視之曰吾無須此亟

持歸魚亦不復取值中貴欲選宮女數百人備行
在撫臣將刷之民間瑤曰民女不可刷無已臣有
一女以進帝知其不可動詔罷之及駕旋扈送至
淮徐艱苦萬狀而終不忍煩一民民德瑤立祠祀
之嘉靖初厯陞副都御史巡撫河南晉工
部尚書引年歸卒贈太子太保諡恭靖

顧應祥

長興縣志字惟賢弘治乙丑進士授饒州府
推官視事迎刃而解老吏驚服遷錦衣衛經

厯出為廣東按察僉事汀漳山寇起應祥以兵挫
其鋒斬首級千四百餘又移兵芟彬桂寇威望赫
然厯遷山東布政使尋拜右副都御史巡撫雲南
所規畫事二十餘條滇人無不稱便者遷南兵部
侍郎召為刑部尚書時相嚴嵩自負推轂思應祥
待之無加禮嵩恚甚遂調南刑部居二歲致仕明
儒學崇應祥好讀書九流百家皆識
其首尾尤精於算學少受業於陽明

張永明

分省人物考字鍾誠烏程人嘉靖乙未進士
令蕪湖縣以治最擢南京刑科給事中時嚴

嵩任子竊權不明彈劾數十事語極剴直出為江
西叅議擢河南按察使以憂歸會烏夷鼓譟薄湖
州城中戒嚴民從外呼號不得入永明曰莫非黔
首奈何棄以委寇亟白監司納之起補陝西布政
晉右副都御史巡撫河南伊府典模廢法不軌暴
侵民利永明抗疏以聞竟按如法歷晉刑部尚書
嚴嵩任子事敗衆以上意不測未敢深議永明獨
力議遣戍中外稱快改都察院左都御史首條六
事悉切時弊三計羣吏不私庇一人人亦無敢
干以私者尋致仕歸卒贈太子少保諡莊僖

潘季馴

獻徵錄字時良號印川烏程人嘉靖庚戌進
士授九江府推官召拜監察御史擢督理河

道右僉都御史厯進太子少保工部尚書當乙丑
黃決沛縣河渠盡塞議者請開夏鎮高原上特遣

大司空朱衡而以李馴副季馴曰漢瓠子之役沈
壁投馬不過曰復舊跡而已其後賈魯亦一切以
復故為主宜仍三沽故道便而夏鎮業有成議遂
躬行督相不三旬而告成庚午河稍南徙決睢寧
季馴復以故節來蒞事廢址盡復而持議適與勘
河給事左坐浮議罷去季馴去而黃決崔鎮以北
淮決高堰以東清桃塞海口涇淮揚高寶諸郡幾
滙為巨浸天子思其功凡再廢再起治河具有成
績其大者塞崔鎮隄歸仁而黃水悉歸故河築高
堰黃浦八淺而淮水復出清口會黃東入於海而
海口遂闢既告成錄其功所加築上隄縷隄月隄
路隄長隄橫隄守泗隄寄子隄凡三十四萬七千
八百二十五丈有奇磯閘料厰凡二十四座石牆
土壩月壩護壩凡五十一道濬淤淺塞決口挖老
土凡三十萬一千一百丈有奇栽護隄柳八十三
萬有奇前後十餘年而後兩河合軌數萬艘轉漕

北土瀕河之民始復見室廬邱壠烟火彌望馬季
馴之言曰通漕於河則治河即治漕會河於淮
則治淮即以治河合河淮而同入於海則治河淮
即以治海故竟季馴在事止以築隄束水借水攻
沙為第一義其節目細瑣
具載所著河防一覽中

沈節甫

分省人物考字以安烏程人嘉靖己未進士
授禮部主事歷員外郎中時有旨建祠禁地

令黃冠祝釐節甫持不可尚書高拱恚甚遂移疾
歸萬厯初補尚寶丞量移本司少卿旋轉於南張
居正母入京取道秣陵送迎傾都邑獨節甫一人
不出竟疏致仕居正卒詔起南京通政司叅議召
為工部左侍郎首奏言節慎庫見貯金錢九十萬
有奇而歲出溢於所入者且十五萬更數年盡矣
可為寒心請一切止傳造俾徵解稍數帑藏不空
語甚切至五上而後得旨竟節省不貲以父憂去

官遂
卒

沈子木

獻徵錄字汝楠歸安人嘉靖己未進士擢虞衡主事領盛甲廠廠有中貴主之物料半侵

牟戎器具數而已子木召工匠嚴諭器必精好不
中程者輒毀棄令重治之中貴莫敢出氣遷員外
郎厯廣西副使領右江兵備柳州懷遠縣諸徭作
亂子木調諸營兵六千土兵三萬分道進剿連破
七十餘砦斬首三千餘級疏聞上嘉之進右叅政
擢湖廣按察使會詔下籍張居正家一時承望者
多苛求子木獨持之曰賊貴得實彼行事雖多不
善然安可懸坐又遼庶人罪廢乘此欲歸獄居正
冀復國子木奏記當路曰遼庶人惡自宜滅國非
故相以私憾傾之也故相破家不枉然不可執此
仲遼議事遂寢晉右副都御史撫山西飭邊備復
屯政通鹽利清尺籍事事覈實入為兵部右侍郎

晉右都
御史

丁元薦

劉宗周丁元薦墓表字長孺長興人萬曆丙戌進士授中書舍人甫匝月上封事萬言極

陳時弊皆關天下大計時儲位未定有三王並封之議元薦封事中多責備時相時相惡之已亥京察以浮躁落級積十二年召為禮部主事時太宰孫富平為反噬者所訐其黨和之元薦抗疏臚諸奸罪狀并發其邪謀害正凡數千言不報其後富平諸人相繼去國元薦家居復馳疏闕下論國是亦不報丁巳京察遂以不謹削籍天啟改元起為尚寶少卿而元薦已卒

朱國楨

續獻徵錄字文寧烏程人萬曆己丑進士選入翰林初浙中賦役不平奸吏上下其手莫

可窮詰國楨移書巡撫極言賣富差貧之弊議均田法計畝定役貧者始不至重困熹宗登極拜禮

部尚書兼文淵閣大學士時東南大水國禎疏請
改折司農以倉無現糧不肯覆國禎強之始改折
三分民困稍蘇逆璫橫甚累疏致仕歸
崇禎改元加太保卒贈太傅諡元肅

沈儆

歸安縣志號泰垣萬厯己丑進士厯官雲南
巡撫疏蠲貢金數千為滇民永利值苗徭倡

逆收復全滇蕩平黔蜀以軍功晉大司空天啟末
抗疏攻魏忠賢掛冠歸卒贈太傅諡襄敏子引培
崇禎辛未進士官
至大理寺少卿

董嗣成

烏程縣志字伯念舉進士授禮部主事厯員
外郎萬厯二十年禮科李獻可偕六科諸臣

疏請豫教元子帝怒貶秩調外嗣成特疏爭之帝
怒加甚奪職歸卒天啟初復官詔贈光祿寺少卿

國朝

欽定四庫全書

浙江通志

十三

孫在豐

鄉賢留祀冊字此瞻歸安人康熙庚戌一甲進士授編修歷陞侍講學士總裁明史陞內

閣學士兼禮部侍郎克

經筵

講官教習庶吉士乙丑科會試主考稱得人晉工

部右侍郎先是

上閱視河工以高寶興鹽江泰等七州縣為下河之衝

民苦昏墊

特簡廷臣發帑修治在豐身歷河淮交匯洪澤射陽車

路串場諸大河相度原委條奏數十事皆奉

俞旨報可乃鑿岡門漂白駒汧丁溪澗草堰嚴禁州縣

妄派寒則具衣襦暑則備醫藥撫恤丁夫人心踴

躍遂先成岡門一工餘亦次第畢舉會與河漕互

計遂鑄秩已而復任內閣學士兼禮部侍郎卒於

官

賜祭葬

費金吾

公舉事實字曉亭烏程人康熙癸酉舉人授桂林府同知芟除積弊及甕權陋規商裕而

課亦美陞永昌府知府疏溝渠築堤堰開新河捐置義田創設義學外艱歸服闋補鳳陽知府為治一如永昌歲饑發府倉減價平糶晉江西糧儲道時養廉未有定議向例日用取給漕項耗羨及兄發餘平弊實百出金吾悉除之陞陝西按察使擢河南布政使尋調山東署巡撫事所至皆實心任事豫省民俗不知蠶桑金吾手著蠶桑輯略一書頒布郡邑俾人咸知蠶桑雍正四年黃河桃汎泛溢衝齧民居捐俸二千餘金設法賑濟山左恒罹水患金吾仰體

宸衷稟奉

潤四字

河道如張孤山十字河等處不數月而

告來京

竣工調湖北巡撫奉

欽定四庫全書

浙江通志

十四

陛見之日中途疾亟
上命御醫診視並令伴送赴任竟不起奉

旨恩卹

特給四代封典其柩回籍准入城治喪

賜祭葬

寧波府

宋

豐稷

宋史本傳字相之鄞人登第知封邱縣召對擢
監察御史治參知政事章惇請託事無所移撓

出惇陳州遷右司諫荆揚二王密令蜀道織錦茵

稷論曰二聖以儉先天下而宗王僭侈官吏奉承

皆宜糾正既退御史趙屺謂曰聞君言使屺汗流

浹背除刑部侍郎兼侍講元祐八年帝親政召內

侍居外者數人稷言陛下初親萬幾未聞登進忠
良而首召近幸恐上累大德以集賢院出知潁州
江寧府章惇欲困以道路連歲並徙六州徽宗立
召除御史中丞入對蔡京越班揖曰天子自外服
召公今日必有高論稷正色荅曰行自知之是日
論京奸狀既而語陳師錫等曰京在朝吾屬何面
目居此擊之不己京遂去翰林又乞辨宣仁誣謗
之禍且言史官以王安石日錄亂神宗實錄今方
修哲宗實錄願申飭之時宦官漸盛稷懷唐書仇
士良傳讀於帝前讀數條帝曰已諭稷為若不聞
者讀畢乃止曾布將拜相稷論之俄轉工部尚書
兼侍讀謝表有佞臣之語帝問為誰對曰布也改
禮部論宋用臣不當賜美諡不為書勅哲宗升祔
議功臣配享稷以為當用司馬光呂公著或謂二
人嘗得罪不可用稷曰止論其有功於時爾如唐
五王豈非得罪於中宗何嫌於配享禁內織錦綵

宮簾為地衣稷言仁宗余襦用絕服御用練繒宜
守家法詔罷之稷盡言守正帝將處之尚書左丞
而忤貴近不得留竟以樞密直學士守越蔡京得
政修故怨貶海州團練副使安置台州除名徙建
州稍復朝請郎卒建炎中追復學士諡清敏稷三
任言責每草疏必密室子弟亦不得見退多焚稿
未嘗以時
政語人

陳禾

宋史本傳字秀實鄞人舉元符三年進士累遷
辟雍博士入對契旨擢監察御史蔡京遣酷吏

李孝壽窮治章縱鑄錢獄連及士大夫甚衆禾奏
免之天下久平武備寬弛禾請增戍繕城壁以戒
不虞或指為生事格不下其後盜起人服其先見
遷左正言除給事中時童貫與黃經臣表裏為奸
禾首抗疏劾貫復劾經臣怙寵弄權誇衒朝列每
云詔令皆出其手言上將用某人舉某事已而詔

下悉如其言夫發號施令國之重事黜陟明天
子大權奈何使宦寺得與此塗一開國家之禍有
不可遏願亟寬之遠方論奏才終上拂衣起禾引
上衣請畢其說衣裾落上曰正言碎朕衣矣禾言
陛下不惜碎衣臣豈惜碎首以報陛下此曹今日
受富貴之利陛下他日受危亡之禍言愈切上變
色曰卿能如此朕復何憂內侍請上易衣上却之
曰留以旌直臣翼日貫等相率前愬謂國家極治
安得此不祥語謫監信州酒稅遇赦還里後起知
廣德軍移知和州內艱服除知秀州王黼新得政
禾曰安能出黼門下力辭改汝州辭益堅禾兄秉
時為壽春府教授禾侍兄官居適童貫領兵道府
下謁不得入餽之不受貫怒歸而譖之上曰此人
素如此汝不能容耶久之知舒州命下而卒贈中
大夫諡

文介

王庭秀

兩浙名賢錄字穎彥慈谿人登政和二年上舍第歷官監察御史遷殿中論黃潛善賣官

售寵罷之無何苗劉為逆庭秀方密與大臣議興復計忽傳太后旨睿聖為皇太弟天下兵馬大元帥幼主為皇太姪庭秀即與大中丞鄭穀上疏力爭太后令至都堂朱勝非出李昉等所上書以示穀庭秀庭秀力言昨日詔書不可宣布必召變尚書左丞張洙曰事勢至此豈爭此名位耶庭秀遂劾勝非激依違黨逆無大臣體遂出知瑞州右正言呂祉奏朝廷以議論大臣移一言官後日大臣行事有失誰敢言者復召為吏部郎遷檢正中書門下省諸房公事與宰輔議不合引疾求去詔直秘閣主管

崇道觀

陳顯

成化四明郡志字文昭鄞人第進士授主簿累遷吏戶部尚書政和二年蔡京復相顯因對言

復用蔡京士民失望帝怒貶知越州五年復擢為宣和殿學士辭不起第顯仕司諫亦以疏詆蔡京

酒監

林保

周必大林保墓碑字庇民鄞人政和三年登上舍第調迪功郎徙廣西帥辟主管機宜文字是

時蠻境將士稍俘平民冒賞保覈正之全活為多入為國子監丞歷遷吏部郎中前此銓曹都司例謝客不敢可否事保獨振舉淹滯雖休沐猶引驗文書吏不得以微文沮升改者特賜對除權吏部侍郎假本曹尚書充金國賀正使初顯仁太后南歸沿途應奉權增頓次後南北修聘往來輒循其例又有請起兩淮稅者保使回具言淮民凋敝狀頓既復舊稅議亦格積官中奉大夫

吳秉信

成化四明郡志字信叟鄞人登進士第為國學官張浚以和國公奉母居潭州築第稍廣

秦檜諷中丞萬俟卨論浚卜宅僭擬家有五鳳樓
命秉信奉使察其事歸言浚所居皆人臣制堂曰
盡心浚嘗記之樓實無有也檜大怒被黜後為吏
部侍郎言張偁不宜為兩浙轉運判官偁內侍張
去偽所薦也上不悅
出知常州未幾卒

陳曦

成化四明郡志字元和鄞人禾之子也紹興八
年進士除國子正高宗幸太學召對詔曰今學

者言卿講說訓導可以為師朕欲觀卿之道至於
有成對曰陛下若復興太學此帝王盛德事也上
喜擢給事中彈劾不避權要上嘗謂侍臣曰惟陳
曦言事最誠實後自知制誥知濠州政稱第一召
拜翰林

學士

史浩

宋史本傳字直翁鄞人紹興十四年進士除校
書郎歷起居郎兼太子右庶子孝宗受禪以中

書舍人遷翰林學士除參知政事有詔議應敵定
論浩奏先為備禦是謂良規儻聽淺謀之士與不
教之師寇去則論賞以邀功寇至則斂兵而避跡
謂之恢復得乎隆興元年拜尚書右僕射首言趙
鼎李光之無罪岳飛之久冤宜復其官爵祿其子
孫悉徙之張浚請幸建康浩陳三說不可退詰浚
曰帝王之兵當出萬全豈可嘗試以圖僥倖御史
王十朋論之遂與祠淳熙五年復為右丞相將告
歸薦江浙之士十五人如薛叔似楊簡陸九淵石
宗昭陳謙葉適袁燮趙靜之張子智後皆擢用十
年除太保致仕封魏國公光宗御極進太師紹熙
五年薨諡文惠嘉定十四年追封越王改諡忠定

汪大猷

宋史本傳字仲嘉鄞人紹興十五年進士授
金華丞歷遷大宗丞兼吏部郎入對言總覈

名實責任臣下量能授官毋拘流品孝宗顧謂左
右曰疏通詳雅有用之才也遷秘書少監兼權刑

部侍郎孝宗每訪政事大猷遂陳亭戶未嘗煮鹽
居近場監貸錢射利隱寄田產害及編氓宜取一
等以上充役又論賜田勲戚豪奪相先陵轢州縣
惟當賜金使自求又論沒入貨產止可行於強盜
賊吏至於倉庫綱運之負陷者惟當即其業收租
以償既足則給還使復故業轉對言權酒之害及
居官者不得鑄銅為器上嘉獎之改權吏部侍郎
兼權尚書以言去授敷文閣待制歿贈二官大猷
與史浩同里又同年進士未
嘗附麗以干進浩深歎美之

陳居仁

宋史本傳字安行興化軍人父太府少卿膏
娶明州汪氏女因家焉僧王法恩謀逆事覺

或請屠城膏方為御史力論多殺非聖世事脅從
者悉寬宥之居仁舉紹興二十一年進士調永豐
令淮南交兵魏杞以宗正少卿使金辟居仁幕下
時和戰未決金兵駐淮北人情恟懼突騎大至彎

弓夾道居仁上馬從容舉酒屬祀觀者壯之乃諭
金人開道入卒成禮減歲幣而還轉承議郎進秘
書丞權禮部郎請外知徽州至郡招三衙軍植二
表於庭有輪納中度而遭抑退者抱所輪立表下
親視之人無留滯吏不能措手輸稅者恒裹贏以
歸鄰州有訟多詣臺省乞決於居仁秩滿入對請
編類隆興以來寬恤詔令有曰法久則易玩事久
則易怠惟申加戒飭以警其觀聽則千萬年猶一
日帝曰名言也尋遷起居郎兼權中書舍人泛恩
濫賞封繳無所避請盡放天下五等戶身丁四等
戶一半從之安定王子彤乞封妾為夫人居仁繳
奏帝喜謂有補風教以集英殿修撰知鄂州移建
寧府鎮江大旱又移守鎮江加實文閣待制知福
州再進華文閣直學士卒子卓字立道紹熙元年
進士後為簽書樞
密院事卒諡清敏

樓鑰

宋史本傳字大防鄞人隆興元年試南宮策犯舊諱冠末等試教官歷太府宗正寺丞出知溫

州光宗嗣位召對奏曰人主初政當先立其大者至大莫加恢復然當先強主志進君德擢起居郎兼中書舍人繳奏無所回避禁中或私請上曰樓舍人朕亦憚之不如且已會慶節上壽扈從班集乘輿不出已而王牒聖政會要書成將進重華又屢更日鑰言臣屢歲隨班見陛下上壽重華宮歡動宸極嘉王日趨朝謁恪勤不懈竊料壽皇望陛下之來亦猶此也又奏聖政三書全載壽皇一朝之事王牒會要足成淳熙末年之書幸速定其日無復再展以全聖孝於是上感悟進書成禮儀兼直學士院遷給事中朱熹以論事忤韓侂胄除職與郡鑰言熹鴻儒碩學不如俾之內祠仍令修史春和復還講筵不報寧宗受禪遷吏部尚書以侂胄弄權告老至再許之侂胄誅詔起翰林學士時

銓年過七十精敏絕人詞頭下立進草院吏驚詫
除端明殿學士簽書樞密院事進同知參知政事
位兩府者五年提舉萬壽觀薨贈少師諡宣獻

袁韶

宋史本傳字彥淳慶元府人淳熙十三年進士
為吳江丞提舉常平黃榮檄韶覈田定役蘇師

旦密諭意言吳江多姻黨儻相容薦為京朝官
韶不聽師旦諷言者將論去榮亟白於朝且薦之
未幾師旦敗改知桐廬縣嘉定四年召為太常主
簿後為右司郎官十三年為臨安府尹理訟精簡
道不拾遺里巷爭呼為佛子紹定元年拜參知政
事胡夢昱論濟王事當遠竄韶獨以夢昱無罪不
肯署文書李全叛揚州告急飛檄載道史彌遠憊
韓侂冑用兵事不欲聲討韶言於彌遠曰揚失守
則京口不可保淮將如卞整崔福皆可用
彌遠從之遂討全端平初奉祠卒贈少傅

陳伸

陳德剛

嘉靖寧波府志仲鄞人尚書顯之孫歷仕至國子祭酒慶元初偽學論起

七上章辨之朝廷以為狂言罷斥尋拜吏部尚書時韓侂胄當國議北伐伸上書切諫侂胄怨之出為荆湖宣撫使遂乞致仕子德剛歷官戶部侍郎理宗立遷工部尚書論濟王之冤忤史彌遠奉祠召知福州入對上問夾攻蔡州以復讐何如曰在國家不可一日忘此事恐此舉之後方煩聖慮耳上曰時不可失也德剛曰所謂時者人材資用無匱之謂陛下有之乎上默然端平元年簽書樞密院事請復濟王官爵從之

陳槩

成化四明郡志字少儀文介禾之曾孫登進士第除知泰和奏罷魚鹽課召對陞左正言使金

不屈呂祖泰上疏乞斬韓侂胄被繫槩抗章言祖泰無罪得釋陞太常寺卿致仕卒諡文定

蔣峴

兩浙名賢錄字伯見奉化人慶元二年進士授武康令改嵎縣端平初除殿中侍御史兼侍讀

史嵩之欲開督府與樞密李宗勉論不合私請劾之峴曰宗勉無過臺諫乃耳目官豈受私請耶嘗劾鄭良臣上曰良臣嵩之所舉對曰公論不容臣不知有嵩之也嵩之復以書罪蔡範袁肅峴曰此有用之才不可誣也嘗自警曰勿欺心勿負主勿求田勿問舍乃號四勿居士官至寶章閣學士

陳塤

陳蒙

宋史本傳塤字和仲鄞人嘉定十年進士理宗即位詔求言塤上封事直聲著

天下召為太學錄遷太常博士獨為袁燮議諡餘皆閣筆會朱端常子乞謚塤曰端常居臺諫則逐善類為藩牧則務刻剝宜得惡謚以戒後來乃謚曰榮愿議出宰相而下皆肅然改容賈貴妃入內塤言乞去君側之蠱媚以正主德召為樞密院編修官入對首言天下安危在宰相南渡以來屢失

機會秦檜死所任不過萬俟卨該耳侂冑死所任史彌遠耳此今日所當謹也次言內廷當嚴宦官之禁外廷當嚴臺諫之選於是宦者陳詢益陰中之監察御史王定劾頃出知常州召為國子司業諸生咸相慶以為得師未幾兼史館厯言任用混淆薰猶同器諫議大夫金淵見之怒頃乞補外知溫州未上以言罷子蒙年十八上書萬言論國事為太府寺主簿入對極言賈似道為相時國政闕失貶建昌軍簿錄其家惟青氈耳德祐初以刑部侍郎召不赴卒

趙逢龍

宋史本傳字應甫鄞人嘉定十六年進士歷知興國信衢衡袁五州提舉廣東湖南福建

常平為政務寬恕撫諭惻怛民不忍欺居官自常奉外一介不取尤究心荒政以羨餘為平糴本遷將作監拜宗正少卿兼侍講凡道德性命之蘊禮樂刑政之事縷縷為上開陳疏奏甚衆葉悉焚棄

年八十有八終於家逢龍寡嗜慾不好名數厯日
久泊然不知富貴之味或問何以裕後笑曰吾憂
子孫學行不進
不患其饑寒也

袁甫

宋史本傳字廣微鄞人嘉定七年進士授秘書
省正字遷校書郎輪對言邊事之病不在外而

在內偷安之根不去規模終不立壅蔽之根不去
血脉終不通遷著作郎知徽州遷起居舍人兼中
書舍人繳奏不摘苛小時相鄭清之以國用不足
履畝使輸券甫嘗講罷帝問近事甫奏惟履畝事
人心最不悅帝為惻然時朝廷以邊事為憂史嵩
之力主和議甫奏曰臣與嵩之居同里未嘗相知
而嵩之父彌忠則與臣有故嵩之易於主和彌忠
每戒其輕易今朝廷甘心用父子異心之人臣謂
不特嵩之易於主和抑朝廷亦未免易於用人也
不報授起居郎兼中書舍人未幾擢嵩之刑部尚

書復疏云臣於嵩之本無仇怨但國事所繫誼難緘默嵩之誥命終不與書行乃出甫知江州改知婺州不拜嘉熙元年遷中書舍人入見帝問邊事甫奏當以上流為急議和恐悞事嵩之移知鄂州甫奏曰嵩之輕脫難信去年在淮西王猷由淮西而來北軍踵之今又併湖南付之臣恐其復以誤淮西者誤湖南疏留中不行翼日權吏部侍郎引疾遂歸尋遷兵部侍郎改吏部時邊遽日至甫條上事至為詳明權兵部尚書卒諡正肅

范楷

嘉靖寧波府志字子式鄞人嘉定元年進士歷官至工部尚書先在經筵因事啟沃邊疆州郡

關於朝政者知無不言李全據淮安反狀益急時相猶委曲拊護楷上書曰賊全猖狂恣睢舉朝皆欲殺之獨丞相隱忍不發昔郭子儀為中書令考於史傳閒居為多今丞相獨當國柄二十二年所

在窺伺危機一發變不可測遂忤旨
去位明年除寶謨閣直學士卒於家

孫夢觀

宋史本傳字守叔慈谿人寶慶二年進士為
武學諭輪對言人主不容有所憚尤不容有

所翫憚則有言不能容翫則雖容其言而不能
用歷將作監轉對極言道揆不明法守滋亂天下之
權將有所寄而倒持之患作當路者滋不悅出知
泉州改寧國府丞相董槐召還帝問江東廉吏首
以夢觀對乃遷司農少卿輪對謂郡國當為斯民
計朝廷當為郡國計帝善其言累遷權吏部侍郎
抗論益切廷士皆危之夢觀曰吾以一布衣蒙上
恩至此雖捐軀無以報利鈍非所計也力求補外
以集英殿修撰知建寧府得疾
口授遺表不忘規諫帝悼惜之

陳著

成化四明郡志字子微德剛子登文天祥榜進
士景定四年朝廷從賈似道買公田於浙西著

時為著作郎上疏曰似道居外間則志在欺君處
端揆則務於瘠民未有將相如此而能致隆平者
乞罷買公田斥逐似道庶可以救國安民似道怒
斥知嘉興咸淳元年似道歸越治母喪詔以天子
鹵簿葬之起墳擬山陵時著為太學博士率諸生
上疏切諫以為自古未聞有如此者不聽似道還
朝大怒必欲遠竄上不可改
臨安通判晚歲隱居奉川

明

俞士吉

名山藏字用貞象山人洪武舉人授兗州府
學訓導陳十事切中時政擢監察御史出巡

畿甸及湖廣政績尤著永樂初陞右僉都御史浙
西水災命偕夏原吉往督農政奏捐糧六十萬石
復出粟賑民洪熙元年進詹事府詹
事宣宗即位改南刑部侍郎致仕

豐寅初

豐慶

兩浙名賢錄寅初字復初鄞人洪武十七年徵為國子司業上疏諫觀燈

謫德化諭建文壬午棄官歸卒年百有五歲子慶字文慶正統己未進士授兵科給事中與林聰葉盛高棅等諫景帝南城及易儲事言甚剴切繫詔獄十年英宗復辟陞河南叅政論周府內官不法事上嘉之陞本司布政使致仕

宋琰

獻徵錄字廷桂奉化人永樂乙未進士選庶吉士宣德初遷禮部主事正統九年遷河南布政

司右叅政為汝陞不雨蝗復大出琰即日往按齋嚴致禱有驚數十羣蔽空下食蝗越明日大雨官吏士民交相欣忭景奉四年轉太僕寺卿尋遷兵部右侍郎益勵忠勤士林推重

蔡錫

分省人物考字廷予鄞人永樂癸卯舉人授兵科給事中彈劾不避權貴知泉州府奏除洛陽

東山大橋三鎮戍兵公私便之時洛陽橋圯發故石有刻文云石頭腐爛蔡公再來橋故宋蔡襄建而錫適以守至遂重修民立祠配享端明陞山東副使歷大理寺卿巡撫湖廣設法賑饑全活數萬家尋乞歸

鄭惟桓

兩浙名賢錄字公圭慈谿人永樂進士拜監察御史廣東憲使陳某被誣入於法惟桓訊

出之陳懷金為報桓笑曰法當爾耳宣有私耶奉天殿災疏六事指陳時政得失言過剴切謫交趾

知州

王來

分省人物考字原之慈谿人宣德元年舉人拜監察御史巡按姑蘇諸郡奉命考察官吏貪暴

望風引去楊士奇薦拜山西左叅政正統七年巡撫侍郎于謙舉自代命未下調廣東左叅政陞河

南左布政使河水泛濫逼汴城乃躬率人丁築隄捍之裁抑以固民至今獲利陞右副都御史巡撫河南景泰初湖廣貴州等處苗賊作耗特命即自河南往彼總督隨即撫定班師回京召見慰諭陞南工部尚書條陳時政十二事丁母憂卒於家

陸瑜

獻徵錄字廷正鄞人登進士第除刑部主事遷員外郎正統元年勅往淮揚等錄報因訊鞫得

釋者三百餘人改徙輕比者千餘人陞廣東右布政天順二年徵拜刑部尚書瑜久居法曹練達國家典故凡有大獄屬官不能決者質於瑜則曰某時某所犯類此退索往牘閱之年時無稍差時錦衣衛指揮門達怙寵作威弘農衛卒誣李斌與其弟健謀反事下達煇煉反狀已具奏請會三法司審問衆莫敢異論瑜獨言其寃達怒語侵之瑜曰法司所執者祖宗之法耳吾何敢舍所執法枉人

以滅族之罪耶及奏上誅止斌兄弟而免其妻子
曹欽反執其佃人送官以為逆黨凡數千人瑜曰
欽反起於倉卒佃人相去數百里安得與謀
於是佃人皆不坐成化三年致仕卒謚康僖

劉煒

兩浙名賢錄字有融慈谿人正統己未進士授
南京刑科給事中累進都給事中景泰四年戶

部以邊儲不足奏令罷退官非賊罪者輸米二十
石給之誥勅煒言考退官多有罷軟酷虐荒溺酒
色廉恥不立非止賊罪已也賜之誥勅以何為辭
帝立為己之天順初出為雲南叅政改廣東潮有
巨寇招之不服勸誅其魁會
大軍征兩廣以勞瘁卒官

毛弘

嘉靖寧波府志字士廣鄞人天順丁丑進士授
禮科給事中陞都給事中疏奏無虛日成化三

年值上元節預命詞臣分題作鰲山燈火詩欲以
娛兩宮編修章懋黃仲昭檢討莊景疏諫忤旨各

廷杖謫外弘乃抗言三人不顧一身敢言直諫真
盛世事願乞復官先是修撰羅倫亦以論李賢起
復被貶弘言之益力謂倫不足惜天下將以言為
諱遂得旨四人俱復原官四年會慈懿皇太后崩
廷臣議葬祔事不合弘乃言慈懿作先帝配為皇
上母內外無失德塋宜祔裕陵主宜祔太廟為萬
世不易定禮皇上生事兩宮如一今慈懿崩逝乃
欲別葬是有二也皇太后不從當幾諫以合於道
無使得罪於天下用是太后亦大開悟竟得合葬
如禮聲動宮闈皆呼為毛秀才太后欲識其面垂
簾召見之凡在諫垣十餘年議者以方古之遺直
同吏部侍郎葉盛考察南京官屬黜陟明當雖所
親不得一干以私
會中寒疾暴卒

楊守陳

獻徵錄字維新鄞人景泰辛未進士選庶吉
士歷陞侍講在講筵多所啓迪孝宗嗣位遷

吏部右侍郎凡所用舍天下以為當尋命兼詹事府史館供職嘗言太宗靖內難其後史臣不紀建文君事遂使建文數年朝廷政事及當時忠於所事者皆湮沒不傳景帝已復位號而英宗實錄標目猶書邸庾王附是宜改正舊例弘治二年卒賜諡文懿

董琳

董鑰

兩浙名賢錄琳字廷瑞鄞人景泰甲戌進士除監察御史時掌錦衣衛都指揮

劉敬父子怙勢肆虐言官莫敢誰何琳獨疏其不法敬逮繫黜戍風裁凜然轉山東僉事乞歸卒子鑰字啟之弘治庚戌進士授監察御史出按雲南鎮守太監孫璟興都督盧和交構累鞠莫決鑰承旨一訊得情皆罪大辟及劉瑾竊柄除不附已者乃勒令致仕瑾誅復徵以病不起

屠瀟

獻徵錄字朝宗鄞人始登第即以疾乞歸越五年試監察御史厯遷至右都御史弘治改元命

總督兩廣軍務嘗討徭賊俘斬數百計召掌院事
進左都御史加太子少保以災異陳二十事多見
采納陞吏部尚書博采輿論秉公黜陟每注選至
惡地必停筆良久書務以土俗稍宜者補之秩滿加
太子太保致仕正德戊辰仍以吏部尚書召時逆
瑾盜政鈎撻兵部尚書劉大夏往事必欲置之死
瀟委曲調護得減論其他隨事旋幹者尤多瑾意
不滿再奪月俸瀟自度勢不可支復乞致仕卒贈
太保諡

襄惠

楊守隨

嘉靖寧波府志字維貞鄞人守陳從弟成化
內戊進士授監察御史疏奏明諡法等七事

疏城濠等九事時有欲試吏部權者為之例曰凡
方面官銓選俱令京堂推舉京堂缺必由內降守
隨抗疏言曰是例行是廢公道而右豪貴也必不
可得旨奪俸又劾發姦僧繼曉妖術罔上之罪直

聲動朝野。巡按江西李孜省者，變幼為奸，暴於鄉里。按罪當謫戍，而孜省走京師，結納中貴，以左道惑上，得幸守隨。自江西憂歸，服闋赴京，孜省已為太常丞，即劾奏孜省以賊得罪，不宜典郊廟百神之祀。因改官去。陞應天府丞，時守陵太監蔣琮等私浚湖陂地為田，又漁於後湖，守隨至，悉繩以法。於是琮等與孜省比而相傾，斥守南寧，孜省誅問。應天府尹而蔣琮輩復傾之，謫廣西叅政，稍遷。按御使進南大理寺卿，改北疏刑名十事，皆著為令。甲九年，考績陞工部尚書兼大理寺卿，太監李興盜皇陵木罪當死，其黨劉瑾谷大用等屢以密牘囑寬與屢峻却之，持之益急。興卒，以內降免。既而與戶部尚書韓文合疏瑾輩之惡，越三日，命瑾司禮監管事，而張永谷大用等俱各筦樞要，守隨復獨具疏反覆論諸暨姦罪狀，而斥瑾尤甚。瑾銜之，入骨竟寢不下。忽歲除，退朝傳旨令守隨致仕，復

矯詔守隨與劉健謝遷韓文林瀚張敷華等凡五
十三人為朋黨頒示天下已復矯詔削奪官秩瑾
既伏誅科道交章論薦薦復原職
致仕卒贈太子少保諡康簡

張昂

縣徵錄字仲明慈谿人成化壬辰進士知鉛山

斥道路昂惡之毀像墟宇置便民倉并撤淫祠數
千以葺公廨秩滿擢南監察御史威寧伯王越挾
其武力偕保國公朱永太監汪直將挑釁北邊昂
曰是為國家害不小抗章劾之詞連內閣司禮由
是內外大臣皆銜之左遷南通政司經歷久之轉
四川按察司僉事查理鹽法有都指揮陳某壻嘗
樓一處子匿於家事覺墜之河以絕踪跡死者之
父訴於巡按御史且請必屬昂治之御史曰是理
鹽法不得與獄訟其人曰陳都司家鉅富非張公
孰能不為利啗耶乃移昂訊一訊得情而御史卒

通厚賄別委官推之竟移坐其壻之僕曷再疏乞致仕不允遷副使守備建昌黎州等處時同事馬太監信用術士周慧以善黃白術將進之朝曷聞即擒慧置獄而劾馬之妄事乃寢居歲餘引疾歸老

楊守陟

李東陽楊守陟墓碑字惟立鄆人守陳弟也成化戊戌廷試第二授翰林院編修擢侍講

學士歷陞吏部左侍郎武宗嗣位進尚書致仕逆瑾竊政矯詔奪秩瑾敗乃復家居七年卒贈太子少保守陟文學議論隱然有守陳風履歷亦畧似而從兄守隨從弟守隅從子茂元茂仁皆為時名臣東南文獻於斯為盛

楊茂元

獻徵錄字志仁鄆人成化乙未進士授刑部主事奉勅錄南直隸囚多所平反弘治六年

授山東按察副使適河決張秋初命劉大夏董役繼命太監李興平江伯陳銳共治之興銳事多不法茂元抗疏請取回興銳專命大夏又請革臨清鎮守由是興銳誣以妖言詔械繫如京謫長沙府同知薦陞安慶知府厯廣西布政司叅議正德四年逆瑾差御史查盤司庫各道皆措銀千兩餽瑾茂元若罔聞同鄉謝迪嘗諷言無千金難免禍對曰千金之餽非盜官帑即剥民脂以此自救是畏無妄之災而犯有名之律故誓死不為四年吏部擬陞瑾矯旨令致仕瑾誅起江西左叅政尋陞貴州巡撫改南京

刑部右侍郎

朱瑄

名山藏字廷璧鄞人成化己丑進士授工部主事奉勅疏濬汴洛諸渠治黃河決口有功改兵

部郎中陝飢專勅往賑宥出輕盜給與穀種牛具勸課流民所活六十餘萬累陞右副都御史巡撫

南畿興學造士備災恤荒其治以抑豪強扶善弱為尚勞苦得疾告歸老推遮泣繪像祠之

章鑑

兩浙名賢錄字元益鄞人成化丙戌進士選庶吉士改兵科給事中時番僧繼曉得幸縱恣不

法鑑極言曉亂風俗乞正典刑以清朝廷疏入即收曉誅之直聲振天下陞都給事論列剴切權勢

斂迹尋以劾奏威寧伯王越忤旨奪官歸

王純

獻徵錄字希丈慈谿人弘治癸丑進士授大理評事厯進右少卿時有上變告山東歸善王謀

不軌者純奉詔往鞠之同事者欲深治其獄純平反甚衆未幾陞右僉都御史巡撫宣府時帝於宣府有所營建純疏止之不報會與同事中貴不協遂乞致仕純精於法比性敦朴居官清白僉謂用才云

包澤

兩浙名賢錄字民望鄞人弘治丙辰進士授監察御史出按湖廣儀賓蕭璉凌轢諸司王府左

右之澤曰薨亡格憲非制也盡以聞王懼卒出璉就獄太和巨璫齊某者怙寵漁獵聞澤按部輒戢

其下曰毋縱今閭羅包老擒汝未幾復命卒於京家無私索有東川政蹟十二卷

豐熙

汪琬豐熙傳字原學鄞人宋清敏授之後弘治已未進士授編修進侍講轉右諭德劉瑾心銜

熙出掌南京翰林院事世宗即位進學士大禮議起熙偕禮官數力爭及以張璉桂萼為學士方獻

夫為侍讀學士熙語翰林諸官曰此冷褒段猶流也吾輩可與同職熙並疏請告歸不允既而卜日

將上恭穆獻皇帝尊號冊熙等又力爭且相率詣左順門伏哭以跋上怒甚錄熙等八人下詔獄遣

戍遂戍鎮海衛廷臣請釋不聽最後謹身殿災給事中田濡請矜宥熙等刑部尚書唐龍亦言熙年

且七十乞量許生還
終不聽卒於戍所

聞淵

湯斌開淵傳字靜安鄞人弘治乙丑進士嘉靖中累遷至吏部尚書時侍郎徐階得帝眷前尚

書率推讓之淵自以前輩事取獨斷大學士夏言柄政淵老臣不能曲徇及嚴嵩既殺言勢益橫部權無不侵數以小故奪淵俸淵年七十矣遂乞骸骨歸家居十四年卒贈少保諡莊簡往南刑部時張璁桂萼先為曹屬嘗題詩於壁後遣人屬淵勒石後堂淵曰此尚書堂也吾敢以相君故為郎官勒石耶
卒不許

王渙

兩浙名賢錄字時霖象山入弘治丙辰進士授長樂令拜監察御史逆瑾用事疏劾之併劾谷

大用馬永成等八黨瑾怒杖之
朝堂落籍歸瑾誅詔復原職

屠僑

湯斌屠僑傳字安卿鄞人正德辛未進士授御史巡視居庸諸關武宗遣守官李嵩等捕虎豹

僑力言不可世宗時數厯中外
厯左都御史卒贈少保諡簡肅

王應鵬

分省人物考字天宇鄞人正德戊辰進士出宰嘉定以風節徵拜監察御史武宗微行以

死爭之大學士楊一清奪情起復劾奏之直聲動
朝宁厯遷僉都御史巡撫畿甸上便宜數千言劇
寇王朝相等弄兵殲滅
之巡撫山西丁外艱歸

沈光大

兩浙名賢錄字體行慈谿人正德辛未進士授南京大理寺評事性剛直守正不阿時諸

佞倖恣甚而錢寧最睚一切刑賞出其口莫敢誰
何寧捕道人艾道清等百餘人誣以大逆無辜連
坐甚衆刑部依違成獄送大理讞覆光大歎曰下
民易虐上天難欺吾敢殺人以媚人耶竟坐以本

律並全活之寧銜之未幾寧遣校尉王宣赴寺有所請光大不聽宣出不遜語光大杖之階下寧大忿恚遂劾奏逮送詔獄光大曰吾守法死官亦復何憾寧傳旨杖四十錮以桎匣絕飲食欲置之死數日竟不死遂擬削籍歸已而宸濠叛寧坐罪死臺諫交口訟光大守正乃除南大理寺副嘉靖初擢知開封府乞終養歸

孫懋

嘉靖寧波府志字德夫慈谿人正德辛未進士授浦城令擢南京吏科給事中時嬖倖用事乘

輿數巡幸言者輒杖死懋疏至數十上未彬導上徧迹寰域懋劾之再言益剴切不報及駕幸南京懋懇請回鑾且屢陳邊警直指天變至千餘言時值彬生日象期往賀曰余欲殛之忍賀其生乎彬深銜之世宗嗣位首陳勤政三事淫廣東兵備副使有金吾尉至不為禮誣激上怒降典史尋起官

歷進應天府尹引歸
卒贈右副都御史

謝汝儀

分省人物考字國正鄞人正德甲戌進士令餘干擢監察御史首疏劾外戚陳萬年中官

王堂符春之罪巡按廣西上疏乞寬議禮諸臣請誅巨璫谷大用等皆人所不敢言者擢嶺東兵備

擒大盜曾蛇仔改福建擒大盜
李良武歷遷江西按察使卒

劉滂

兩浙名賢錄字伯雨鄞人由進士歷官禮部儀制司郎中綜理嚴密人不敢干以私會宸濠圖

復護衛滂謂漸不可長劾之濠乃鑄黃金為象戲密遺滂結懽滂怒輒下各兵馬司逐捕之竄去崇德胡某者服役中官貽千金求旌為孝子滂笑曰豈有失身閭閻賢而得為孝乎其人愧而走陞南尚寶卿感疾卒無以為斂鬻積書及故衣囊事人服其清

陸鉤

嘉靖寧波府志字容之鄞人正德甲戌進士歷遷貴州按察副使兵備龍里時龍猴二場軍夷

以貿易亂鉤故戮死囚數人徇衆褫其魄遂繫倡首者戮之餘皆帖服累晉廣西按察使江西右布政使福建左布政使擢巡撫保定都御史會駕南巡鉤倉卒經畫百務立辦而中貴索賂不與御史胡守中因中

之落職歸

沈教

兩浙名賢錄字敬敷慈谿人正德甲戌進士授桐城知縣桐故孔道值宸濠變巨閹悍將駐兵

江上供億無算教方為裁損民忘其勞擢御史按雲南會土酋安銓搆亂鳳朝文應之六詔震動教夙夜籌策卒底定時在盛年鬚為之白厯藩臬為光祿卿陞副都御史督糧南京致仕

葉應聽

兩浙名賢錄字肅卿鄞人正德丁丑進士官刑部主事武宗南巡偕諸曹伏闕諫罰跪五

日杖之至幾死嘉靖初陞員外郎進郎中議大禮復偕廷臣伏闕諫又杖之濱死時潮陽給事陳洸鵬張無狀暴縱不法葉應聰按之七訊獄成遂具上寘典而時闕右之訊聞反噬下詔獄疏戎遠東會赦還復官卒

戴賢

獻徵錄字時重鄞人正德丁丑進士授刑部主事歷江西布政司叅議提督糧儲江西故多逋

負每鈎稽輒緣吏胥為奸賢立格闕前史年表例逐歲而稽奸不得行改廣西府江兵備時猺獞嘯聚幕府謀大舉兵賢曰此不足煩大兵也選精銳數百授以方畧大破之江道肅清累陞四川巡撫革煩苛以保釐為事所隸諸部雖羊腸鳥道必輕車詣之問民疾苦為之興罷父老相傳以為二百

年旌節僅一覩見也竟以飛訪落罷歸

楊言

汪琬楊言傳字聞仁鄞人正德進士授行人嘉靖四年開禮科給事中會詔建獻皇帝世室言

疏諫曰獻帝雖有聖德非若周文武之創興王業也而欲襲世室之名亦舛矣如以獻帝為自出之帝是前無祖宗也以獻帝為禰而宗之是後無敬毅二帝也疏入不報有千戶王邦奇陳邊事謂吐魯番侵軼皆彭澤楊廷和啟釁所致宜亟誅此兩人復誣大學士費宏石瑤悉廷和邪黨又訐廷和子惇及其甥葉桂章女夫余承勲帝下惇等於獄株連甚衆言疏諫曰宏瑤乃天子師保之官邦奇文飾奸言熒惑聖聽臣竊為國家之大體惜也廷和當權奸擅政之日保全神器歸於陛下所謂當十世宥之者今去國無何禍延子壻臣恐全軀保妻子之臣皆口實廷和安有為國家任事者哉疏入帝怒以言為大臣游說收繫親鞫於午門羣臣悉集言備極五毒手指且墮無撓辭御史陳察大

呼曰臣願以不肖軀易揚言羣臣聞察呼大驚相顧引避帝數日攝察察不為動既罷察復疏極論以是言獄得解謫宿州判官稍遷至南京吏部郎中坐事再謫夷陵知縣累官湖廣叅議又坐事削籍

劉世龍

兩浙名賢錄字允卿慈谿人正德辛巳進士授太倉知州陞南職方主事嘉靖初太廟災

求直言世龍具疏列三事一曰杜諂諛以正風俗指斥言禮驟貴者二曰廣容納以開言路欲寬宥言事諸臣以次錄用沒加存恤三曰慎舉動以存大體謂大臣表率百僚不宜儉晉儉斥甚加械繫箠楚如張鶴齡不足惜而孝廟在天之靈太后垂老之景乃不能庇其骨肉之愛恐於孝養兩宮之心未安所言皆直指時政無所回護疏入世宗震怒械至京發錦衣衛杖四十次日獄具再發午門外杖八十死而復甦家居三十年臺省交薦不復敘穆宗登極錄用先朝忠諫以老辭詔進尚寶司

少卿
致仕

姚涑

江宛姚涑傳字遂東慈谿人嘉靖癸未進士第
一授翰林院修撰三年與學士豐熙等跪諫大

禮於左順門下詔獄予杖復官如故九年四月郊
社議起又與學士張潮等並主合祀而涑言尤切
章下所司卒不用未幾充經筵講官累進侍讀學
士以外艱歸卒於家兩浙名賢錄涑性孝友讀書
務為經濟事不拘拘文詞如邊防海運皆有定議
作諸邊圖時有翰林三絕之稱謂經學史學詩學
也有明山
集若干卷

李循義

舊浙江通志字時行鄞人嘉靖二年進士授
推官召為御史出按江西夏相國言治新第

欲徙旁近十餘家以大其宅循義不可由是有隙
會嚴嵩方欲傾言聞之使人諭意請論言開邊事

循義曰恢復議甚正吾不敢毀大臣以媚大
臣嵩怒出為衡州知府未幾以疾告歸卒

全元立

分省人物考字汝德鄞人嘉靖乙未進士改庶吉士進修撰時河套議起嚴嵩忌督撫曾

銑譖於上逮論死并傾夏言舉朝冤之元立憤然曰使吾職臺諫當以言爭職廷尉當以法爭吾職以史獨董狐筆在耳草告天文暴嵩橫狀比楊忠愍就辟益盛盛詆嵩訟言於朝嵩怒甚嗾之遷南太常卿已陞南工部右侍郎會歲早自劾乞歸

顏鯨

獻徵錄字應雷慈谿人嘉靖丙辰進士授御史巡視倉場奸人馮漢恃定國公勢貸子錢漕卒

梗漕政軍民投牒鯨佯不為理漢持定國書來見即出牒考訊論殺之出按河南伊庶人典模內結常侍及嚴嵩父子又多布飛騎為耳目招集礦盜為牙爪監司莫敢誰何鯨至上疏劾之上可其奏

下庶人獄國除兩河人鼓舞相慶先是錦衣緹帥得辟召諸校受使少金為署名籍中作奸闕左道誘富人子習之復相與發其罪以為功列侯翠使所進侯館騎然諸藩中使進奉闕駕龍闕所過恣橫鯨請校尉缺從兵部銓擬錦衣不得自書冊封改用文臣諸藩進奉遣屬吏不得闕貴遂為定制改提學北直所至旌別淑慝獎恬抑浮都督朱希孝受富人金補校尉諸校列要郡連上產千百計不供縣官賦抑民代輸大興令高世儒為平賦法令羣校均差希孝劾世儒梗令甲侵煎衛上可其奏鯨疏爭曰明主不私倖臣良臣不專市利緹騎盡富人子不占賦而獨病貧民今為貧民請命世儒無罪罪在緹騎上怒謫安仁尉厯陞湖廣提學副使以忤張居正去官萬厯初科臣鄒元標姜應麟首疏請破格擢用而當事竟以常格題照先朝直諫厲汝進例用湖廣提學副使予致仕

范欽

舊浙江通志字堯卿鄞人嘉靖進士知隨州陞工部員外郎時武定侯郭勛勢張甚欽以事忤

之譖欽廷杖之出知袁州府嚴世蕃欲取宣化公
宇欽不與累任副都御史巡撫南贛汀漳諸郡擒
劇寇李之虎賜金綺又擒大盜馮天爵陞兵部右
侍郎歸卒鄞縣志欽博雅好古聚書天一閣至數

萬卷多秘本為四
明藏書家第一

張堯年

舊浙江通志字原果慈谿人嘉靖進士知金
壇縣徵拜給事中論勲臣郭勛輔臣嚴嵩司

馬張瓚司空甘為霖皆著侃直嵩大憾之會御史
何維柏劾嵩而遺堯年書稱其先見嵩遂誣為黨
下詔獄廷杖謫布政司照磨屢遷叅政分守蒼梧
勦苗寇有功題雲南右布政使黔國沐朝弼驕縱
不法辱郡守於庭堯年立召郡守
還朝弼嵩表裏中之遂拂衣歸

趙參魯

鄆縣志字宗傳隆慶辛未進士改庶吉士授戶科給事奄人張進殿給事中於留都臺省

交劾進僅薄罰參魯抗言進乃守備中官申信之黨不併治信無以肅朝廷紀綱信與司禮馮保比謂之於上竟謫高安典史已陞饒州推官遷福建提學僉事厯陞南刑部尚書堅持三尺戒奄皆斂跡諸如起廢官補言職釋累臣罷礦稅疏多有補時政九載考績加宮保乞歸卒諡端簡

姜應麟

慈谿縣志字泰符萬厯癸未進士改庶吉士授戶科給事中貴妃鄭氏有殊寵生子常洵

詔進封為皇貴妃而王恭妃育皇長子已五歲無所益封中外藉藉疑帝欲立愛應麟首抗疏言禮貴別嫌事宜慎始貴妃生第三子猶亞位中宮恭妃誕育元嗣顧令居下揆之倫理則不順質之人心則不安非所以重儲貳定衆志也伏請先封恭妃為皇貴妃而後及於鄭妃則禮既不違情亦不

廢疏入帝震怒降廣昌典史量移餘干知縣以父憂歸光宗立起太僕少卿致仕

薛三才

舊浙江通志字仲孺定海人萬厯進士授庶吉士改兵科給事中李沂以建言下獄三才

疏謂不當以言語罪諫臣楚貢鮓不稱旨布政以下俱錮秩三才疏謂不當以口腹罪藩使復乞召還諫臣姜應麟諸人一時避之累陞兵部尚書協理戎政禁軍多虛冒內侍尤甚三才銳意釐剔積勞成疾卒於官贈太子太保諡恭敏

薛三省

舊浙江通志字魯叔定海人萬厯進士授檢討上疏請福王之國天啟中累陞吏部左侍

郎疏言皇極門工恩太濫與忠賢忤移疾去崇禎改元起禮部尚書而三省卒已踰月矣贈太子太保諡文介

王佐

鄞縣志字翼卿萬厯癸未進士厯工部郎中出知南昌府遷江西提學副使晉按察使右布政

皆在江西政事畢舉聲望赫然轉廣東左布政題免太平橋稅銀三萬兩粵人頌之尋以副都御史巡撫江西時江右大水民阻於飢乃奏改折南安漕糧留以賑貸又請免各鎮之重徵蠲閏月之加派為民謀實利陞工部侍郎總理河道入為工部尚書隨方撙節事無不辦加太子太傅致仕卒謚簡莊

陸世科

鄞縣志字從先萬厯丁未進士授增城令濱海多盜立法稽核具獲主名境內以安擢山

東道御史巡視兩淮鹽漕絕餽遺焚夾帶商引大行課遂溢額時魏忠賢專政毒害諸不附己者武勸其委蛇避禍世科曰吾五十登第今且踰甲子頭顱如許而骨性固在何肯乞憐權門哉羣小遂

日媒葉改巡視京營以困苦之閔三月世科終不
與諸奄交一語忠賢銜之乃削籍崇禎戊辰首擢
臺端旋差刷卷留都著有聲
績陞南京大理寺卿致仕

姜思睿

慈谿縣志字顯愚天啟壬戌進士授中書改
湖廣道御史崇禎三年上陳天下五大弊皆

切中時病四年帝分命內官往宣大三邊監視思
睿言祖法禁用宦官不聽再劾輔臣周延儒成基
命後溫體仁私書發復劾其欺誤聲望甚
著出使雲南山西皆有實政未幾假還卒

馮元颺

慈谿縣志字爾發天啟壬戌進士崇禎初授
戶科給事中疏爭中官出鎮又詆輔臣周延

儒誤國被切責尋連疏論山東總督劉宇烈縱寇
主撫禮部侍郎王應熊無大臣體宜罷又言詞臣
姚希孟孤忠獨立不當奪講官科臣趙東臧正詞
讜論不當奪言路皆不納再遷戶科給事中擢太

常卿拜兵部尚書稱病乞休卒元颺長於料事孫傳庭治兵關中元颺謂不可輕戰廷議皆不以為然元颺論議帝前曰請先下臣獄俟一戰而勝斬臣以謝衆又貽書傳庭戒於急戰傳庭不勝中樞督促遂輕出軍覆而全秦盡陷其引疾去也薦李邦華史可法自代焉兄元颺字爾賡崇禎戊辰進士疏論中官張彝憲負直聲厯官僉都御史巡撫天津以病乞休歸卒

國朝

史大成

鄉賢留祀冊字及超鄆人順治乙未進士廷試第一授翰林院修撰充日講官每直講事

闢啟沃愷切敷陳厯陞禮部左侍郎時有議裁孝子節婦廩給者大成曰公謂子自為其父婦自為其夫何與朝廷而廩給之然則天下之不孝不節者亦何與朝廷而國法必繩之也議者屈服康熙

十五年知貢舉惟嚴內外之防一切文法小疵槩不毛舉又試歲貢士舊皆循具丈大成謂白首窮經而衡文未當何以服其心首尾披閱勤慎有加聞者感激尋病假歸卒

賜祭葬

仇兆鰲

寧波府志字滄柱鄞人康熙乙丑進士館選授編修以遷葬乞歸四十二年

駕南巡請吳江迎鑾進所輯杜詩詳注蒙

賜餐霞引

年扁額尋轉春坊厯官內閣學士兼禮部侍郎遣祭前代諸陵至昌平見地方有累民事奏免


羊皮解費并直隸苛派陋規遷吏部右侍郎時會議江督叅陳鵬年一案兆鰲昌言白其誣衆論譴之以病乞休致仕歸兆鰲闡明四子書道周易遵守程朱之說有功於後學尤多

陳汝咸

寧波府志字莘學鄞人康熙辛未進士選庶吉士改漳浦知縣邑多海盜汝咸至設策擒

之臨讞知有仁義禮智信興六號各分夥黨其信字號賊首劫掠皆有成案賊累巨萬汝咸悉捕得解充藩庫隨備勦撫機宜詳請招撫其仁義興等號相率來歸祥禮字號賊未獲督撫以南靖盜尤夥以汝咸改調抵靖治如漳浦召補刑部主事轉御史疏陳臺灣事宜又陳命案條例皆加詳定已聞海賊燒汎船特上防海二疏五十年海盜陳尚義遣其黨赴部願撫汝咸請往招之尚義者即禮字號賊首也廷議遣雅奇往招并集未來餘黨都御史趙中喬薦汝咸能實心幹事擢通政司左右叅議歷陞大理少卿會陝西甘屬報荒奉命查勘見飢民載道不復茹葷飲酒嘗一日步踰九嶺至平涼發貯穀并移鎮原倉米賑之尋以病卒福建通志漳浦賦役不均汝咸設法釐定設義學新

大成殿建銅山書院雲霄朱文公祠丁亥六月大水暴至汝咸適病急披裘倚杖登南城募船結筏分拯溺者全活以千數調南靖民環擁不得行夜半單騎為邇者服啓北門而去



浙江通志卷一百五十九

欽定四庫全書

史部

浙江通志卷一百六十一

詳校官給事中臣戴璐

檢討臣德生覆勘

總校官編修臣倉聖脉

校對官助教臣胡予襄

謄錄監生臣苗序洙

欽定四庫全書

浙江通志卷一百六十

人物

名臣三

紹興府

漢

鄭弘

後漢書本傳字巨君會稽山陰人少為鄉嗇夫太守第五倫行春見而深奇之召署督郵舉孝

廉建初中為尚書令舊制尚書郎限滿補縣長令史丞尉弘奏以為臺職雖尊而酬賞甚薄至於開

選多無樂者請使郎補千石令史為長帝從其議
八年代鄭衆為大司農舊交趾七郡貢獻轉運皆
從東冶汎海而至風波艱阻弘奏開零陵桂陽嶠
道於是夷通至今遂為常路在職二年所息省億
萬計時天下遭旱邊方有警人食不足而帑藏殷
積弘又奏宜省貢獻減徭費以利飢人帝順其議
元和元年代鄧彪為太尉病篤上書陳謝并
言竇憲之短帝省章遣醫占弘病比至已卒

鍾離意

後漢書本傳字子阿會稽山陰人少為郡督
郵時部縣亭長有受人酒醴者府下記案考

之意封還記入言於太守曰政化之本由近及遠
今宜先清府內且濶畧遠縣細微之愆太守甚賢
之遂任以縣事建武十四年會稽大疫意獨身自
隱親經給醫藥所部多蒙全濟舉孝廉後除瑕邱
令遷堂邑令顯宗即位徵為尚書時交趾太守張
恢坐贓千金徵還伏法以資物簿入大司農詔班

賜羣臣意得珠璣悉以委地而不拜賜帝問其故對曰臣聞孔子忍渴於盜泉之水曾參迴車於勝母之間惡其名也此賊穢之寶誠不敢拜帝嗟歎曰清乎尚書之言乃更以庫錢三十萬賜意轉尚書僕射帝性褊察朝廷莫不悚慄惟意獨敢諫爭數封還詔書臣下過失輒解救之出為魯相以久病卒官遺言上書陳升平之世難以急化宜少寬假帝下詔嗟歎賜錢二十萬

魏朗

後漢書本傳字少英會稽上虞人少為縣吏從博士郤仲信學春秋又詣太學授五經京師長

者李膺之徒爭從之初辟司徒府遷彭城令為九真都尉徵拜議郎頃之遷尚書屢陳便宜有所補益出為河內太守政稱三河表尚書令陳蕃薦朗公忠亮直宜在機密復徵為尚書會被黨議免歸

三國吳

虞汜

會稽典錄

字世洪會稽餘姚人孫緄廢幼主迎立琅瑯王休末至緄欲入宮圖為不軌召百官

會議皆惶怖失色汜對曰明公處將相之位擅廢立之威上安宗廟下惠百姓大小踴躍自以伊霍復見今迎王未至而欲入宮非所以永終忠孝揚名後世也緄不懌竟立休休即位汜為散騎中常侍以討扶嚴功封餘姚侯

晉

虞潭

晉書本傳字思奧會稽餘姚人父忠仕至宜都太守吳亡堅壁不降遂死之潭清貞有檢操元

帝召補宗正卿以疾告歸王舍沈充等攻逼東都潭起義軍赴國難會充已擒罷兵徵拜尚書咸康中進衛將軍潭貌雖和弱而內堅明有膽決雖屢統軍旅而尠有傾敗卒諡孝烈

孔愉

晉書本傳字敬康會稽山陰人年十三而孤養祖母以孝聞與同郡張茂偉康丁潭世康齊名

時人號曰會稽三康建興初為丞相掾遷侍中太常蘇峻反愉朝服守宗廟峻平溫嶠執愉手而曰天下喪亂忠孝道廢能持古人之節歲寒不凋者惟君一人耳卒諡曰貞

孔坦

晉書本傳字君平會稽山陰人少方直有雅望咸和初遷尚書左丞深為臺中所敬憚在職數

年遷侍中時成帝尅日納后而尚書左僕射王彬卒議者欲卻期坦曰納后重禮豈可以臣喪而廢從之及帝既加元服猶委政王導坦每發憤以國事為已憂嘗從容言於帝曰陛下春秋已長聖敬日躋宜博納朝臣諮諏善道遷尚書未拜疾篤庾冰省之流涕坦慨然曰大丈夫將終不問安國寧家之術乃作兒女子相問耶冰深謝焉卒諡曰簡

丁潭

晉書本傳字世康會稽山陰人察孝廉除郎中太興三年出為東陽太守以清潔見稱成帝踐

阼以為侍中蘇峻作亂帝蒙塵於石頭惟潭及鍾雅劉超等隨從不離帝側峻誅以功賜爵永安伯

卒諡

曰簡

南北朝

孔琳之

宋史本傳字彥琳會稽山陰人強正有志力桓元時議欲廢錢用穀帛琳之議曰聖王制

無用之貨以通有用之財既無毀敗之費又省運置之苦此錢所以歷代不廢也穀帛為實本充衣食今分以為貨則致損甚多愚謂救弊之術無取於廢錢元又議復肉刑琳之以為不可元好人附悅而琳之不能順旨是以不見知宋臺初建除宋國侍中永初二年為御史中丞明憲直法無所屈

撓奏劾尚書令徐羨之時羨之領揚州刺史琳之弟璩之為治中羨之使璩之解釋停寢其事琳之不許璩之固陳琳之曰我觸忤宰相罪止一身汝必不應從坐何須勤勤耶自是百僚震肅莫敢犯禁高祖甚嘉之遷祠部尚書不治產業家尤貧素景平元年卒追贈太常子邈有父風

虞玩之

南齊書本傳字茂瑤會稽餘姚人解褐東海王行叅軍元徽中為右丞上表陳府庫錢帛

器械役力所懸轉多典用漸廣慮不支歲月朝議優報之轉少府太祖鎮東府朝野致敬玩之猶躡屐造席太祖取屐視之靴黑斜銳莖斷以芒接之問曰卿此屐已幾載玩之曰初釋褐拜征北行佐買之著已二十年貧士竟不辦易太祖善之引為驃騎諮議叅軍遷驍騎將軍黃門侍郎領本部中正以疾告許之

虞悰

南齊書本傳字景豫會稽餘姚人謹敕有至性州辟主簿昇明中世祖引為諮議叅軍永明八

年遷祠部尚書轉度支尚書領步兵校尉明帝立悰稱疾不陪位帝使尚書令王晏責廢立事示悰以悰舊人引參佐命悰謂晏曰主上聖明公卿戮力寧假朽老以匡贊維新乎不敢聞命朝議欲糾之僕射徐孝嗣曰此亦古之遺直衆議乃止悰稱疾篤還東詔賜假百日轉給事中光祿大夫

孔魚

陳書本傳字休文會稽山陰人舉秀才射策高第起家揚州主簿永定二年除晉陵太守晉陵

舊為大郡前後二千石多行侵暴魚清白自守妻子並不之官惟以單船臨郡所得秩俸隨即分贍孤寡曲阿富人殷綺見魚居處素儉乃餉衣一襲氈被一具與曰太守身居美祿何為不能辦此但民有未周不容獨享溫飽耳世祖在吳中聞魚善政及踐阼徵為御史中丞領揚州大中正魚性剛

直善持理多所糾劾朝廷甚敬憚之深達治體每
敷奏上未嘗不稱善百司滯事皆付與決之太建
六年遷吏部尚書加侍中時有事北討封賞選敘
紛紜重疊與應接引進門無停賓加以鑒識人物
詳練百氏凡所甄拔衣冠縉紳莫不悅服性耿介
絕請託後主時在東宮欲以江總為太子詹事與
曰江有潘陸之華而無園綺之實輔弼儲宮竊有
所難其梗正如此遷散騎常侍金紫光祿大夫子
紹忠字孝揚有才學
官至鄱陽王東曹掾

唐

虞世南

唐書本傳字伯施越州餘姚人秦王引為記
室王踐阼拜員外散騎侍郎遷祕書監封永

興縣子世南貌儒謹外若不勝衣而中抗烈論議
持正貞觀八年進封縣公帝嘗作宮體詩使賡和

世南曰聖作誠工然體非雅正上之所好下必有甚者恐此詩一傳天下風靡不敢奉詔帝曰朕試卿耳賜帛五十匹帝數出畋獵世南以為言皆蒙嘉納帝每稱其五絕一德行二忠直三博學四文詞五書翰致仕卒贈禮部尚書諡文懿帝手詔魏王泰曰世南於我猶一體拾遺補闕無日忘之蓋當代名臣人倫準的今其云亡石渠東觀中無人矣子昶終工部侍郎

孔述睿

唐書本傳越州山陰人侍中休源八世孫曾祖昌寓字廣成貞觀中對策高第歷魏州司

馬有治狀帝為不置刺史述睿少嗜學大厯中劉晏薦於代宗擢司勳員外郎史館修撰德宗立拜諫議大夫改祕書少監性退讓未嘗忤物雖親朋燕集嚴默終日人皆畏之卒贈工部尚書子敏行字至之元和初擢進士第拜右拾遺遷集賢殿學士李絳遇害事本監軍楊叔元時無敢言敏行上

書極論叔元乃得罪卒贈工部侍郎

宋

杜衍

歷代名臣傳字世昌山陰人厲操篤學擢第補揚州觀察推官改著作佐郎知乾州聽訟明敏

屢決疑獄人以爲神簿書出納推析毫髮至爲條日使吏不得奸及其施於民者則簡而易行未滿歲以薦移鳳翔二邦之民爭於境上一曰此吾公也汝奪之一曰今我公也汝何有焉俄除太常博士提點河東刑獄遷祠部員外改刑部章獻太后察其治狀轉河中運副陝西運使召爲三司戶部天章閣待制會河北乏軍資選爲都轉運使不增賦而用足以右諫議大夫知天雄軍爲治謹密不以威刑督下吏民咸憚其清整仁宗親政召爲御史中丞衍言中書樞密古之三事大臣坐而論道

者今止隻日對前殿何以盡天下之事宜迭召見
賜坐便殿以極獻替又論常平法請量州郡遠近
戶口多寡嚴賞罰課官吏出納無壅增損有宜州
郡闕母錢願出官帑助之判吏部流內銓選補科
格繁長主判不能悉閱吏多受賕出縮為奸行命
諸曹各具格式科條以白閱視具得其本末曲折
令諸吏無得升堂各坐曹聽行文書銓事悉自予
奪由是吏不能為奸利改知審官院裁判如判銓
時遷工部侍郎知永興軍時元昊反方用兵困於
科歛調發督迫民至破產不能足衍為區處量物
有無貴賤道里遠近寬其期會使以次輸送由是
物不湧貴車牛芻秣宿食來往如平時民比他州
省費十六七召還權知開封府遠近聞行名莫敢
干以私拜同知樞密院事出為河東宣撫使拜吏
部侍郎樞密使每內降恩澤率寢格不行積詔旨
至十數輒納帝前帝語諫官歐陽修曰外人徒知

杜衍封還內降不知凡有求於朕告以杜衍不可而止者更多於所封還也契丹堦劉三堦避罪來歸輔臣欲厚館之以詰契丹陰事衍曰中國主信義若違誓約納叛亡不直在我且三堦為契丹近親而遁逃來歸其謀身若此尚足與謀國乎納之何益乃還三堦拜同平章事好薦引賢士推獎後進一時知名之士多出其門沮止僥倖小人多不悅言者攻范仲淹富弼帝欲罷其政事衍常左右之御史劾衍堦蘇舜欽及所知王益柔因以傾衍罷為尚書右丞出知兗州慶歷七年以太子少師致仕屢進太子太師封祁國公卒贈司徒兼侍中諡正獻

顧臨

宋史本傳字子敦越州會稽人皇祐中舉說書科熙寧初神宗以臨喜論兵召問對曰兵以仁

義為本動靜之機安危所係不可輕也元祐二年擢給事中朝廷方事回河拜臨天章閣待制河北

都轉運使蘇軾等言臨資性方正學有根本慷慨中正無所回挽自處東省凜然有古人之風宜留左右以補闕遺梁燾亦言都漕之職在外豈無其在朝求如臨者不易得皆不報紹聖初以附會黨人斥饒州卒

姚勔

嘉泰會稽志字輝中越州山陰人舉進士歷永康令元祐初召為左正言奏御史中丞趙君錫

雷同俛仰無所建明遷起居郎改國子祭酒紹聖初言者論其阿附呂大防范純仁謫知信州再貶水部員外郎分司南京

石公弼

宋史本傳字國佐越州新昌人登進士第調衛州司法叅軍淇水監牧馬逸食人稻為田

主所傷密郡守韓宗哲欲坐以重辟公弼曰禽獸食人食主者安得不禦禦之豈能無傷當懲圍者

民不可罪召為宗正寺主簿言朝廷比日直詞罕聞頌聲交至願崇忠正通諫諍擢殿中侍御史三舍法行士子計登第頗事告許公弼言學校以仁義漸摩使之告許非建學本意拜御史中丞京西轉運使張徽言欲因方田籍增立汝襄鄧三州稅公弼以為方田之制正欲均賦而徽言掎克重斂民何以堪詔罷之遂劾蔡京罪惡章數十上京始罷及京再輔政羅致其罪責台州安置遇赦歸卒

李光

宋史本傳字泰發越州上虞人崇寧五年進士除太常博士遷司封首論士大夫諛佞成風杜

塞言路王黼惡之遷符寶郎郭藥師叛光知徽宗有內禪意因納符謂蔡攸曰公家所為皆拂衆心今日之事非皇太子則國家俱危攸瞿然不敢為異欽宗受禪擢右司諫上皇東幸憮人間兩宮光請集議奉迎典禮遷侍御史時言者猶主王安石之學詔榜朝堂光言祖宗規模宏遠安石欲盡廢

法度蔡京兄弟祖述其說五十年毒流四海今又
風示中外鼓惑民聽宣朝廷之福建災三年車駕
移蹕建康除知宣州光緒城池聚兵糧繕六邑之
民保伍相比謂之義社得保甲萬餘號精銳軍又
柵險要二十三所謹戍之釐城址為十地分巡內
外晝則自便夜則守城有警則戰苗租歲輸邑者
悉命輸郡初譁言不便及守城之日贍軍養民迄
賴以濟事聞授管內安撫紹興元年擢吏部侍郎
上移蹕臨安被旨節制臨安府見屯諸軍兼督營
繕事光緒營搏節不擾而辦奏捐減二浙積負及
九邑科配尋以端明殿學士守台州改温州進江
西安撫擢吏部尚書踰月除叅知政事時秦檜初
定和議將揭榜藉光名鎮壓光謂但可因和而為
自治之計既而檜議撤淮南守備奪諸將兵權光
極言和不可恃備不可撤檜惡之檜以親黨鄭億
年為資政殿學士光於榻前面折之又與檜語難

上前因曰觀檜之意是欲壅蔽陛下耳目盜弄國權懷奸誤國不可不察檜大怒明日光丐去高宗曰卿昨面叱秦檜舉措如古人朕方寄卿腹心何乃引去光曰臣與宰相爭論不可留章九上乃提舉洞霄宮万俟卨論光怨望責瓊州安置呂愿中又告光與胡銓譏訕朝政移昌化軍年踰八十又三年始以郊恩任便居住至江州卒

孝宗

即位復資政殿學士賜諡莊簡

姚憲

嘉泰會稽志字令則嵎人父舜明仕至徽猷閣待制憲以父任補承務郎厯知臨安府仁和縣

車駕駐蹕臨安仁和為赤縣事尤煩劇憲資性敏強日未晡吏已散去獄久無繫囚秩滿監進奏院知秀州土豪錢安國居大澤中舍匿亡命為奸盜州縣莫敢詰憲至擒安國及其支黨窮治置於法州里遂安浙西大水蘇常為甚憲請輸粟萬斛以賑之上嘉其能以直祕閣知平江府時羣盜出沒

海道為居民害捕弗獲朝命專以屬憲不數月悉擒之進直敷文閣知臨安府歷工部侍郎進御史中丞遷參知政事以端明殿學士知江陵府卒江陵前帥頗厲威嚴治盜不少貸憲繼其後嘗謂客曰故帥得賊輒殺不復窮竟僕至獲盜必付之有司在法當誅者初未輒貸一人而羣盜已稍出矣僕平居雖雛卵不敢妄殺今寧以疲輒不勝仕去安忍濫及無辜哉人以此益推其長者

梁仲敏

嘉泰會稽志字元功山陰人宣和初上舍兩優釋褐調海陵主簿紹興三年召為太府丞

歷知臨江軍以薦召擢御史遷右司諫拜右諫議大夫踰年致仕仲敏居諫職久所論毫髮無隱或未聽必反覆開陳以冀聽納方金人入塞大將有遁者仲敏力請誅之大將坐遠斥士氣乃奮晚家居尤篤風誼

石公揆

嘉泰會稽志字道任新昌人高宗時為侍御史極論樞密使秦檜章十餘上檜再相遂坐

廢終於家

傅崧卿

嘉泰會稽志字子駿山陰人省試第一擢甲科除辟雍正遷考功員外郎兼太子舍人方

士林靈素得幸造符書號神霄錄自三公輔臣以下皆從靈素師授崧卿與曾幾獨不行被譖出為蒲圻縣丞高宗初除直龍圖閣知越州帝自永嘉還越供億用度崧卿請悉從蠲減雖中旨有不便輒執奏皆賜可改知婺州召為中書舍人進給事中崧卿常慷慨欲以功名自見與客言及國事輒至流涕在上前議論尤感激未及大用而卒時人惜之有樵風溪堂集六十卷奏議五卷西掖制誥三卷所作夏小正傳最行於世陸游傳給事外制集序崧卿天資英粹忠義絕人建炎南渡以渺然

書生位未通顯獨涕泗感激請提孤軍橫遏敵衝
衛乘輿論功埒諸大將及駐蹕會稽遂為浙東帥
隱然有大臣望白首一節不附時
論以苟登用一時士氣為之振起

陳橐

宋史本傳字德應餘姚人登政和上舍第呂頤
浩欲援為御史約先一見橐曰宰相用人乃使

之呈身耶謝不往趙鼎李光交薦其才紹興二年
除監察御史以論事不合除江西運判移知台州
清謹不擾治狀著聞上謂近臣曰陳橐有古循吏
風累遷刑部侍郎時秦檜力主和議橐疏謂金人
多詐和不可信檜憾之因力請去除徽猷閣待制
知廣州時兵興後廣東盜賊無寧歲十年九易牧
守橐盡革弊政以恩先
之留鎮三年民夷悅服

王佐

嘉泰會稽志字宣子山陰人廷對第一為祕書
省校書郎時秦檜專政其子熺提舉祕書省館

中趨附之佐獨未嘗妄交一語熺不能平喉言者
論去之檜死起秘書郎遷尚書吏部員外郎檜妻
王氏陳乞舊所得恩數之未用者自稱沖真先生
佐馭曰妾婦安得此稱向者誤恩有司不能執奏
為失職今當追正執政不能聽但寢其請後王氏
死卒奪先生號知建康府妖人朱端明挾左道與
軍中不逞輩謀不軌佐得其陰謀一日坐帳中決
事命捕為首者至即判斬之而流其徒數人於嶺
外餘置不問徙知潭州淳熙六年郴州宜章民陳
峒竊發有象數千佐一意討捕賊潰走詔以佐忠
勞備著超拜顯謨閣待制徙知臨
安府進權戶部尚書力乞奉祠

胡沂

宋史本傳字周伯餘姚人紹興五年進士孝宗
受禪擢殿中侍御史言守禦之利莫若令沿邊

屯田詔行其言又言設武舉立武學蓋將有所用
也今除高第一二名餘皆吏部授以權酷征商所

養非所用願詔大臣羣議中舉者定品格分差邊
將下準備差遣從之時龍大淵曾觀以藩邸舊恩
除知閣門事沂論其市權請屏遠方不聽沂以言
不行請去乾道元年召為宗正少卿除吏部侍郎
沂奏七司法自紹興十三年纂修成書歲且一紀
厯月閱時不無牴牾望勅令所官討論章旨將現
行之法與當革之條輯為一書頒之中外庶可戢
吏胥之奸詔行之尋進禮部尚書上有大用意而
沂資性恬退無所依附數請去遂以龍圖
學士提舉興國宮淳熙元年卒諡獻肅

黃度

宋史本傳字文叔新昌人隆興元年進士紹熙
中守監察御史光宗以疾不過重華宮度連疏

極陳父子相親之義又劾內侍陳源楊舜卿林億
年三人為今日禍根罪大於李輔國上不聽遂去
寧宗即位詔復為御史改右正言韓侂冑驟竊政
柄以意所好惡為威福度具疏將論其奸為侂冑

所覺遽除度知平江府度言侂冑假御筆逐諫臣使不得効一言非為國之利也固辭歸養侂冑誅召除太常少卿以集英殿修撰知福州始至訟牒日千餘度隨事裁決日未中而畢進龍圖閣知建康府罷科糴輸送之擾除見稅二十餘萬招歸業者九萬家遷寶謨閣直學士度以人物為己任推挽不休每曰無以報國惟有此耳為禮部尚書兼侍讀入覲論藝祖垂萬世之統一曰純用儒臣二曰務惜民力

上納其言

莫叔光

嘉泰會稽志字仲謙山陰人舉進士除著作佐郎光宗初兼權中書舍人紹熙二年春雷

電交作詔直言叔光言女謁漸行近習預政等事辭皆剴切布衣俞古上書將以指斥被竄叔光奏方求言弭災異不宜有罪言者之名事竟寢遷中書舍人外戚李孝純除閤門宣贊舍人帶御器械

叔光言宣贊扈帶極右列清近之選孝純屢遭譴罰不宜冒居上從之除權吏部侍郎兼祕書監卒

莫子純

寶慶會稽續志字粹中山陰人慶元二年進士及第除祕書省正字歷中書舍人蘇師旦

本平江刀筆吏韓侂冑任為腹心氣馘熏炙一日遇子純於都堂趨前執禮甚恭子純畧不為禮師旦深恨之會師旦當遷官子純復以為不可於是忤侂冑意遂以祠去知溫州提舉太平興國宮

王夢龍

兩浙名賢錄字慶翔新昌人慶元三年進士

極言和好不可恃攻守不可弛言甚懇切上嘉納之擢監察御史首論宜中貪墨之禁又條上備邊備蜀各四事皆一時急務除直祕閣知溫州討平海寇移知婺州撥官田千七百畝為助役倡民亦各以田助得田六萬有奇以備當役者用又以水旱雨奏蠲稅召除司農卿權戶部侍郎以疾歸

劉漢弼

宋史本傳字正甫上虞人嘉定九年進士歷官侍御史以戶部侍郎致仕漢弼明義利之

辨所陳皆切時務為言官首論給事中錢相巧於迎合脾睨政地罷去之又劾左正言葉賁賁為時相史嵩之腹心漢弼由是去國既復以左司諫召首贊帝分別邪正以息衆疑帝嘗屬漢弼進人才條具以奏皆時望所歸卒轉贈四官諡曰忠

王爚

宋史本傳字仲潛新昌人嘉定十三年進士歷官吏部侍郎遷禮部尚書咸淳十年為左丞相

清修剛勁賈似道歸天台葬母爚獨不見之後以元老入相天下屬望卒與陳宜中不協而去

毛遇順

宋史名賢錄字鴻甫餘姚人舉進士召對起拜侍御史首論史嵩之不當起復三學諸生

不宜斥逐前後疏凡數十上皆時所諱言者理宗書其名於御屏寶祐初進兩淮制置使上疏極論

賈似道丁大全必誤國乞即
罷斥不報官至大理卿卒

孫爍叟

兩浙名賢錄字仁則餘姚人第進士擢監察御史論賈似道罪重法輕當斬以示國法德

祐初元兵渡江文天祥起義勤王而右相陳宜中
深結留夢炎奏勿使入衛以沮毀之天祥列上勤
王及留屯利害皆內忌夢炎莫敢關白爍叟取所
列徑造御前奏之復乞倚任天祥竄宜中夢炎及
黃萬石呂師孟以作忠義之氣時朝義方倚重師
孟求好於元不報爍叟居官竭忠盡智排斥奸回
不為身謀官至禮
部侍郎卒諡忠敏

明

梁貞

萬厯紹興府志字叔亨新昌人舉元鄉試授太
平路教授高帝克太平貞請戢軍士安生靈以太

三王之得天下者為言帝深然之留掌圖書與叅
密議時欲取金陵謀諸貞貞力贊之拜太子賓客
尋以本官兼國子祭酒國子諸
科條皆貞所規畫也以老乞歸

韓宜可

獻徵錄字伯時山陰人洪武初以歲貢薦授
教諭尋拜監察御史出為江西按察司僉事

時官吏有罪笞以上悉謫屯鳳陽宜可上疏論刑
以禁奸慝宜論其事之公私罪之大小而施舍之
以合輿情上可之命定於律十三年入朝京師會
賜入官男女為奴婢宜可不受即上疏極論罪人
不孥古之制也合門連坐宣聖明所宜乞除之上
是其言厯陞都察院左副都御史在臺以鋤奸顯
忠為己任百僚
悚惕不敢犯

周觀政

萬厯紹興府志山陰人洪武中以薦教授九
江擢監察御史嘗監奉天門有中使將女樂

入觀政止之中使曰有命觀政曰有命亦不可中使怒而入已而太祖出謂觀政曰內間慶賀侑食之樂廢缺欲令內人肄習吾已悔之御史言是也永樂初出為江西按察使

吳中

兩浙名賢錄字孟庸山陰人舉進士拜監察御史總閱諸道疑獄成祖慮法司論罪多寃遣大

臣覆訊他囚輒公訴不已惟中所訊者無異詞已而按蜀先是焚人時出剽掠為患中與三司決策設奇大敗之故事御史按部率一歲而更獨留中按蜀四年及還詔求直言中上疏極論時政無所忌諱上怒坐他事論死俄得赦復官出為山西左叅政俗素勁悍中鎮以文雅其俗漸化人比之常云哀

魏驥

名山藏字仲房蕭山人父希哲洪武中薦知上高縣鋤強扶弱德威並著驥登永樂四年會試

乙榜授松江府學訓導以薦為太常博士宣宗元
年陞行在考功員外轉南太常少卿正統三年召
試吏部左侍郎踰年實授驥為人好分別是非而
當官廉勤祇慎嘗遇王振於途不避車明日振入
訴帝召問驥對曰臣忝六卿而避奄人臣不足惜
奈朝廷何八年陞南吏部尚書景泰元年至京引
年請老大學士陳循驥門生也詣驥曰請需之且
以北冢宰處先生驥曰君位輔臣當進賢為天下
奈何私我耶竟致仕去居家
二十年九十八卒諡文靖

王暹

萬厯紹興府志字景賜山陰人永樂戊戌進士
累官右副都御史已巳之變京師戒嚴暹守正

陽門圻外民為寇所威集城下求入時各門慮寇
巨測無敢任其責者暹獨奏開西直門納之活者
以萬計尋命安撫順天處置得宜畿甸賴以無事
再奉命巡撫河南練軍伍修城隍賑貧困通漕運

其所計畫皆國家大計時河徙漸逼汴城亟令有司募徒築堤以捍其勢河不為患仍奏免被災郡縣芻糧二十餘萬復以災異自劾致仕

徐初

獻徵錄字復陽會稽人永樂舉人授濰縣教諭擢戶科給事中洪熙元年陳治道十事皆見嘉

納宣德間陞大理寺卿中官阮某守遼東失利侍郎柴車按其當死者三十餘人初奏當誅首惡勿濫及非辜羅汝敬巡撫陝西坐事黜官遇赦吏部輒復之言官劾以為黨罪至死初曰是特失覆奏耳吏部因得釋正統初調南太常寺卿尋致仕初為人孝友寬平出言未嘗忤人至於論事決疑侃侃形於色及卒朝野惜之

楊信民

名山藏名誠以字行新昌人宣德中由上舍擢行在工科給事正統八年出為廣東左叅

議時承平日久禁網疎濶仕嶺外者贖貨殃民信
民廉潔寬大暇行衢市問民所苦按察使郭智不
法信民劾去之代者黃翰所為亦如智又劾之詞
連僉事韋廣廣與互奏並逮至京師翰鞫實除名
而信民以薦起守白羊口會廣中有黃蕭養者亡
入海為大盜設置偽官招誘愚民漸至十餘萬來
攻廣城詔遣都督董興帥師征之廣人寓京者連
章乞信民遂命信民監督尋使巡撫廣東廣城閉
門自困者數月矣信民至給木楔曰出入自如乃
招撫脅從持檄諭蕭養蕭養曰得楊公一言死不
恨尅期請見信民單騎而往賊羅列感泣莫不歡
說無何聞董興帥兵至蕭養中變信民因中毒卒
廣人縞素具位哭奠相屬景泰二年廣
東父老奏請立祠從之成化中謚恭惠

陳

詠萬歷紹興府志字永言餘姚人正統進士拜南
臺御史敢言不為身計時英宗北狩邸王監國

進中興十四事尤指切將臣失事誤國者靖遠伯王驥有寵而專詠劾解其兵柄師討鄧茂七之黨勅詠監軍無一卒犯令者寇平降璽書旌之出為陝西按察僉事母死詠以哀毀卒囊無一錢同官具棺殮之

唐彬

萬厯紹興府志字質夫山陰人景泰進士拜監察御史時總兵石亨連內侍曹吉祥權倖人主編修岳正御史楊瑄等露草彈劾悉竄於邊亨由此滋橫陰蓄異志彬率同列抗疏論之上心善其言而慮亨猝為變姑調諸御史於外未幾亨敗復彬官巡察關陝出為廣東按察副使會兩廣賊起民多脇從於賊賊已去民懼誅不降彬持節往諭以恩信民涕泣相率歸附改山東副使齊地饑人相食撫臣請賑未報彬為捐俸倡同列及王府得粟千斛為粥以食餒者全活甚衆明年拜福建按

察使再遷貴州左
布政使未赴任卒

王淵

兩浙名賢錄字志默山陰人天順中官南吏科給事中憲宗初嗣位內臣用事勢張甚在朝無

敢公言者淵率同官陳五事其一曰保全內臣宜遵舊制無令預國政否則如王振曹吉祥事敗雖欲全之無由也帝嘉納之其年十月復立皇后王氏明正牛王之罪免死安置淵以玉罪重罰輕數王大罪四乞正典刑因詆斥執政奏入逮下詔獄謫遠方判官直聲震中外歷遷順天府治中歸老於家

丁川

分省人物考字大容新昌人天順甲申進士授監察御史時外戚會昌侯孫繼宗操管十二營

兵其子瓚掌錦衣衛事川以其權任太重具疏論諫上俞允貴妃萬氏寵冠後庭干預外事川上疏

諫正奪俸三月成化辛卯皇太后崩因陵廟事遺
旨切責言者川上疏曰衆臣之請天下之公論聖
母之命一時之私恩事竟得寢擢順天少尹值畿
內旱蝗疏救荒禦災十五事未幾擢總憲巡撫延
綏進安邊十策所陳
悉允行以母喪歸

韓邦問

獻徵錄字大經會稽人成化己丑進士授大
理寺副奉勅慮囚四川釋冤獄九十餘人擢

淮安知府淮當南北要衝民苦供役邦問隨事節
省馭吏以法愛民以仁淮民至今稱之歷陞右副
都御史巡撫江西時遣宦官駐饒燒造供御覓器
邦問力言小民凋敝之狀可憫帝為感動中止正
德戊辰陞刑部侍郎進
尚書致仕卒諡莊僖

謝遷

湯斌謝遷傳字于喬餘姚人成化乙未進士第
一授修撰孝宗即位進左庶子中官郭鏞請豫

選女子入宮習禮以待冊封遷上言山陵未畢禮
當有待帝善之時帝方嚮學遷務積誠以開上聽
每進講前夕必正衣冠習誦如侍上前反當講敷
陳詳明帝數稱善進少詹事兼侍讀學士厯加太
子太保禮部尚書時劉健為首輔遷與李東陽同
入內閣三人同心効職健任事剛果東陽長於文
學而遷持論諤諤與之相濟時人語曰李公謀劉
公斷謝公尤侃侃時兵部以塞下軍興議加南方
折徭之一遷曰先朝以官田稅至重故使輸金以
寬之若復議益民將不堪且足國在節用苟用之
不節雖加賦何益事遂寢遼東守將張天祥妄殺
冒賞近倖欲曲庇之遷執不可內府四庫及各司
內侍多作奸集賄而御馬監軍士自以禁軍不隸
本兵空名支餉遷皆承間請旨禁約近倖側目武
宗嗣位劉瑾亂政遷與健等奏請誅之連爭不允
遂乞致仕去瑾矯旨黜為民遷弟廸子丕皆坐削

籍瑾誅詔復職世宗即位即家起拜少傳戶部尚書謹身殿大學士力疾至京未幾即辭去卒於家年八十三諡文正子丕登進士歷官吏部侍郎

張嶺

獻徵錄字時俊蕭山人成化丁未進士除上饒知縣盡心為民不徼聲譽量田土清稅糧陞南

兵部主事先是部屬入守備廳見中貴執禮甚卑嶺肅揖而已遂永為式正德戊辰陞典化知府禁奸戢暴閩郡以寧劉瑾以異香下諸郡責賄嶺不報郡人戴大賓者弱冠及第瑾欲以姪女奪其舊聘囑嶺主之復不應瑾怒遂落職歸瑾誅起守南雄清操益勵甫一年陞江西布政使時宸濠欲拓府居以擬大內嶺拒之濠餽以四果啓視則棗梨薑芥也嶺曰是欲我早離江西耳臣子受命於君行止非人所能一時縉紳咸以鐵漢稱之濠忌終於妨已賂擢為南光祿寺卿遂移疾乞歸世宗繼

統起擢右都御史總督兩廣流賊李文積等刦陷
郡縣勢猖獗嶺悉討平之賞罰明信尤痛懲貪墨
吏秩滿三載召掌南京都察院振肅風紀羣僚凜然尋陞南工部尚書致仕

呂獻

越州先賢傳字丕文新昌人成化進士授刑科
給事中太監李廣擅選富兒為駙馬受賂廷臣

莫敢發獻劾罷之壽寧侯張鶴齡兄弟倚宮掖勢
熏灼每游宴後庭出入無禁忌獻上疏極論帝怒
詔杖二十下鎮撫獄尋以言直釋之歷遷南京兵
部侍郎劉六寇江介凡三過南京以獻有武備不
敢入既而致仕

何鑑

萬厯紹興府志字世光新昌人成化進士擢御
史出知河南府有詔取嵩盧礦洞鑑執奏止之

歲大祲多方賑濟所全活甚衆厯右副都御史巡
撫南直隸理浙西稅糧濬吳淞白茅等港所至利

興樊革召為刑部尚書改兵部時巨寇劉六劉七等倡亂逼近畿甸鑑處分守禦悉中機宜賊以次盪平加太子太保宸濠久蓄逆謀求復護衛鑑五覆奏堅持不許乞休歸後濠反人服其先見

王華

弘治中內侍李廣有寵華為日講官嘗講大學

衍義至唐李輔國結張后表裏用事誦說朗朗無少避忌左右皆縮頸正德初逆瑾專政士大夫爭走其門華時為禮部侍郎獨不往子守仁論瑾瑾益怒出為南吏部尚書尋令致仕

陶諧

給事中武宗初閹宦擅權諧上疏斥劉瑾魏彬

輩蒙蔽聰明迷亂國政瑾等切齒以他事誣下獄廷杖謫戍肅州瑾誅詔還家嘉靖改元起復原官厯陞兩廣總督先是羣盜憑恃險阻聯絡州縣數十年不能平諧親督兵分擊盡破巢寨一百二十

五處尋乞歸卒隆慶元年追諡莊敏

何詔

獻徵錄字廷綸山陰人弘治丙辰進士授南工部主事陞永平知府有中官石姓者素善劉瑾

怙勢誣其隣為盜者十四人縣官鍛鍊成獄詔廉出之守邊太監王宏素倨視郡縣詔不往見宏銜之陰使人瞰動靜欲中傷竟無所得而止厯陞右副都御史巡撫保定尋召為工部右侍郎會通河久塞上命修復詔集壯丁分工疏導修治如初陞南刑部尚書尋改工部卒詔平生直諒耿介務大體不求赫赫聲居官四十年家無餘貲云

王守仁

弇州史料字伯安餘姚人弘治己未進士授兵部主事劉瑾等導上狎遊南省臺臣戴銑

等爭之力瑾矯旨捕置詔獄守仁上疏謂銑等以言為責如其善自宜嘉納即不善亦宜包容以開

忠謹之路瑾叩其言下詔獄廷杖謫貴州龍場驛丞瑾誅擢知廬陵縣累進南太僕寺少卿是時王瓊為兵部尚書獨奇守仁才以為不世出會南贛汀漳等處俱有山賊為亂擢右僉都御史巡撫其地守仁至則行保甲法又募選郡邑材官力士以三之一赴軍門使與舊兵參而教之擊射明賞罰以勵之親率所選士分三路進兵象湖橫水桶岡洲頭等賊皆就縛盡得賊地進右副都御史福建軍人進貴殺官吏以叛詔遣守仁往勘處事平守仁取道南昌圖歸省抵城而宸濠反聞變即返抵吉安起兵討宸濠移檄列郡各率吏士勤王時宸濠出兵六萬人襲九江南康皆下之進圍安慶不下守仁諜知宸濠離南昌乃整衆至樟樹鎮襲破之入城申明約束拊循其脅從吏士留二日即發兵躡宸濠濠時在安慶聞南昌失守解圍自救守仁使伍文定等以四郡精卒三千分道逆擊之都

指揮余恩以游兵四百往來為疑兵而陳槐等復以兵三千分為十餘軍張疑設伏與其前鋒遇於黃家渡文定等佯北以致之賊爭利競進而亂邢珣以所部衝擊其中堅文定恩等乘之伏羣起賊大敗宸濠盡發南康九江之城守者以自益守仁分兵襲取之大戰遂擒宸濠捷聞而帝自稱威武大將軍率驍卒數萬南下守仁乃俘宸濠取內道以獻抵錢塘遇太監張永極言江西民困已極不堪六師之擾永深然之守仁乃悉以宸濠等付永而身至京口欲謁駕會有巡撫江西命乃還南昌世宗初特拜南京兵部尚書封新建伯後田州土守岑猛驕不用命右都御史姚鏌討而誅之其子挑別將盧蘇王受各擁衆叛乃召守仁討之守仁意不欲多殺既抵南寧即上疏請撫改田州為田寧赦盧蘇王受皆勿誅因蘇受兵以攻斷藤峽寇分道深入大破之方欲移府治建衛所而病上疏

乞歸卒於南安舟中隆慶初諡文成守仁天資穎悟既建大勲復有志聖學嘗語門人曰無善無惡者心之體有善有惡者心之用知善知惡者良知為善去惡者格物以此為講學宗旨云

牧相

分省人物考字時庸餘姚人少受業於王華華器異之與其子守仁同學弘治己未遂同舉進

士授南兵科給事中武宗初政奄瑾竊柄言者禍且不測相遣其室奉母歸而偕言官戴銑薄彥徽等疏瑾不法數十事忤旨廷杖下獄褫職為民瑾誅詔復官尋卒

董玘

獻徵錄字文玉會稽人弘治乙丑會試第一廷試第二授編修逆瑾欲摧抑天下士使必已屈

出玘知成安稍遷刑部主事時用事者諸所按劾務為深刻玘數抱律以爭曰法固止是用事者往徃屈而從焉瑾誅還翰林厯陞吏部右侍郎拒絕請託尤嚴君子小人之辨致仕歸卒隆慶初贈禮

部尚書

諡文簡

胡東臯

兩浙名賢錄字汝登餘姚人弘治乙丑進士授行人歷南京刑部郎中先後獻大獄數十

靡不稱平累官右副都御史巡撫寧夏奏築花馬池賀蘭山邊牆三百餘里西北賴之改撫鄖陽未幾召還內臺以抗直忤執政會太廟災上疏自劾去孫文恪陞嘗語人曰吾姚仕宦而清貧如寒畯者三人胡中丞東臯宋中丞冕

胡太僕鐸時號為姚江三廉

胡鐸

獻徵錄字時振號支湖餘姚人弘治乙丑進士選庶吉士改授刑科給事中忤劉瑾出為河東

運副瑾誅復給事中擢福建僉事分巡建寧獎儒雅雪冤獄巡按御史疏其卓異之政二十條以聞陞福建督學副使士風丕變人稱為胡道學嘉靖壬午陞湖廣參政湖數多盜鐸討擒渠魁而地方

獲靖厯晉太僕寺卿陞順天府尹儒林錄鐸性質直謹厚造詣正大力排異說為南太僕卿居滁陽地僻事簡閉門著述作典學說異學辨諸書各有論正應諡名臣考林貞肅曰支湖議禮亦以羅山為是卒不附羅山以希終南之捷講學亦以伯安為超卒不附伯安以操紫陽之戈立不易方巽以行權真深

於易者

宋冕

分省人物考字孔瞻餘姚人弘治進士官刑部主事以執法忤逆瑾謫金陵知縣瑾誅復召為

禮部主事厯陞右副都御史撫治鄖陽劇賊馬興等乘間騷動督諸路兵討平之有白金文綺之賚孫岳舉進士官至按察使

劉棟

分省人物考山陰人正德辛未進士選庶吉士嘉靖初為講官時敕議追崇興獻之禮欲祔武

宗主於別廟棟抗疏謂武宗一代之帝王無可裒之禮又切責時宰引宋時濮議貽笑後世大忤當軸意被杖下獄月餘復原職厯陞南京兵部侍郎為嚴嵩所忌陰嗾其黨攻之遂拂衣歸

魏有本

萬厯紹興府志字伯深餘姚人正德辛未進士官御史首劾武定侯郭勛貪恣宜奪其兵

柄世宗怒調外任會臺省交章留之詔復御史尋按蘇松四郡有風裁厯遷僉都御史巡撫河南值歲大侵屢疏蠲賑民賴以安後以右都御史總漕運引疾歸卒贈南工部尚書

陳克宅

分省人物考字即卿餘姚人正德甲戌進士為嘉定令吳中賦重豪右多欺詭為奸克宅

履畝清丈宿弊頓革以治行最召拜御史首劾巨閹劉允挾邪蠱亂罪當斬又劾武定侯郭勛大不敬直聲震中外出為四川兵備副使驚番為梗勒所部兵盡殲之諸番自是無敢犯者厯湖廣布政

楚大侵重以採辦民不堪命克宅劑量節縮全楚晏然尋拜副都御史巡撫貴州時困賊阿向負險逆命克宅密令死士乘夜半升絕壁以索梯度軍大破之改巡撫應天罷歸

顧遂

獻徵錄字德仲餘姚人正德丁丑進士授刑部主事武宗南巡伏闕疏諫廷杖幾死嘉靖登極

歷郎中出知惠州府值歲大歉出金糴粟遣官分道煮粥復移檄諸郡約無遏糴全活者甚衆治惠五年法嚴政平民戴若父母遷廣西副使備兵賓州等路賓地錯徭犵獠剽掠出沒遂親歷險峻考厓谷委曲狀遣兵縱火焚其林薄又多築城堡控扼要害賓氓以寧歷陞南刑部右侍郎以仲寃戢暴為事有監生朱環誣坐殺人罪久不白遂奮筆釋之百戶劉羽凶暴狡黠賂權右為城社仇莫敢訴遂按得其狀即日置獄

汪應軫

萬厯紹興府志字子宿山陰人正德丁丑進士選庶吉士武宗將南巡同舒芬等抗疏以

諫廷杖幾死出知泗州府泗民不知業桑應軫首勸之耕出帑金買桑於湖而植之募桑婦若干人教之蠶事由是民足衣食武宗駕厯境時中使絡繹道路恣索無厭應軫率壯士百人列水次逮牽舟行頃刻百里出泗境駕至南都諭今泗州進善歌者數十人蓋中使銜應軫以是難之也應軫奏泗州婦女荒陋且近多流亡無以應勅旨臣向募桑婦若干人儻蒙納之宮中俾授蠶事實於王化有補詔停止世宗登極召還給事中在諫垣凡上三十餘疏悉關切體要其最大者如言新建伯王守仁不當以謗掩其功刑部尚書林俊不當聽其去孝惠太后發引不當由中門興獻帝尊崇不當過禮並侃侃為中外所誦已而督學江西其教條一本躬行尋丁外艱歸卒

張懷

分省人物考字德珍餘姚人正德丁丑進士授禮部主事會武宗南巡伏闕諫沮罰跪門五日

杖三十嘉靖初又以議大禮被杖後陞

江西叅議歷廣東叅政所至有廉敏聲

張達

於越新編字懋登餘姚人正德進士嘉靖初授刑科給事中首劾武定侯郭勛既又論妖賊李

福達之奸忤旨逮戍卒隆慶改元詔贈光祿寺少卿

車純

兩浙名賢錄字秉文上虞人正德進士授工部主事嘉靖初議大禮忤旨廷杖久之擢山西布

政司叅議歷遷福建布政使操持愈勵閩中人布車布不車金之謠進右副都御史巡撫湖廣一以

安靜節省為政民甚德之

龔輝

獻徵錄字實卿餘姚人嘉靖癸未進士授工部主事以營仁壽宮命督木四川得大木五千餘

根板坊如之部劄欲再倍其數公私俱困民情洶
洶輝乃繪山川險惡轉運艱苦狀一十五圖各為
貼說具奏命停止歷陞右副都御史提督南贛軍
務巨寇劉庭選等恃險負固刼掠三省輝行十家
保甲法陰檄漳南嶺北諸道部勒所司各率精銳
三路並進遂漸次勦滅尋勅總督漕運時河流忽
東南注淮市廛幾大決輝不待上聞亟下令就決
所築堤實土於破舟沈之旋壓以石堤成淮人賴
之陞工部右侍郎致仕

葉經

萬歷紹興府志字叔明上虞人嘉靖壬辰進士
授福州府推官召拜御史時禮部尚書嚴嵩受

諸藩賄賂濫予封爵經抗疏劾之下撫按勘其事嵩
為切齒已而出按山東東平有尚書子橫州里立
捕治抵罪遠近肅然是年鄉試經職監臨嵩因摘
試錄中語貼註以聞詔杖八十發原籍為民遂卒

隆慶改元贈
光祿少卿

謝瑜

越州先賢傳字如卿上虞人嘉靖進士授南御史武定侯郭勛奏請復天下鎮監瑜劾勛妄奏

事竟得寢嚴嵩為禮部尚書值其自陳時瑜以大臣巧辨誣罔痛責之疏凡數千言一時稱古之遺直會以年老乞歸未允嵩乃乘京察除名世宗崩詔錄前言官未拜命卒特贈光祿少卿

徐學詩

兩浙名賢錄字以言上虞人登進士第授刑部主事歷郎中盡心刑獄不為權勢阻撓時

相嵩父子怙寵黷貨鋤擊言者學詩具疏歷數嚴氏權柄足以假手下石機械足以先發制人勢利足以廣交自固乘機搆隙足以示威脇衆文辭便給足以飾非強辨揣摩精巧足以結當路之心而緘其口帝覽奏頗感動而方士陶仲文言嵩孤立盡忠學詩特為所私報怨耳乃逮下錦衣獄箠楚

備至學詩慷慨當之不少挂尋放為民隆慶初起
南通政司通議抵官逾月而卒贈大理寺少卿

孫陞

萬厯紹興府志字志高餘姚人忠烈燧之季子
嘉靖乙未進士官翰林厯吏部侍郎終南京禮

部尚書卒贈太子少保諡文恪陞性恬澹無所嗜
好一介之微苟有未安則曰趙清獻必不如是尤
泊於進取當嚴嵩專政陞其門人乃自吏部乞徙
而南平居自讀書考古外絕不與他曹事惟以水
旱寇賊為生民憂至形之詩歌以諷當事者
其訓諸子不專文藝務以名節相誡勉云

趙錦

獻徵錄字元朴餘姚人嘉靖甲辰進士除江陰
令巨盜許貴出沒剽掠村聚錦以計擒之徵為

南臺御史奉詔清雲南軍政馳疏極詆嚴嵩怙寵
納賄蠹國賊民凡萬餘言嵩父子銜之次骨遣緹
騎逮下錦衣獄竟除籍歸穆宗即位起河南道御
史時張居正柄國欲引為助而錦挺然無所依阿

居正銜之陰令所厚者劾錦遂致仕居正卒起官累遷左副都御史時諸御史攻楚黨者引繩批根抨擊不止錦上疏謂言官論劾大臣當權其人品事業不宜槩為詆毀乞詔切責御史過言以存國體於是紛紛者漸止六年秩滿加太子少保卒諡端肅

陳紹萬歷紹興府志字用光上虞人嘉靖進士拜南臺御史嚴嵩初相邊適內訌紹抗疏曰嵩外為謹飭內存險詐競奔趨而賤名檢見輕士論一旦列置具瞻何以勵庶職而威遠方請收回成命時世宗尚親萬幾嵩雖恚甚不能輒加禍尋出為韶州守至則與民更始利弊興革殆盡屢斷疑獄人以為神明值夏久旱徧禱山川中署疾卒韶人祠之

陶承學

分省人物考字子述會稽人嘉靖丁未進士選為南京御史時咸寧侯仇鸞擅寵握兵承

學疏列詆之明年驚敗聲日起出知徽州府徽俗
喜忿爭訟牒滿篋或數十歲未結承學不厲聲色
大事律斷小事情宥未嘗滯日屬邑民裹米就獄
者朝至夕去轉江西副使視兵九江贛賊流臨吉
破玉山縣江右倂擾承學治兵湖口防其突逸至
黃石磯與賊詘袁三遇麾舟師鼓而薄之盡殲焉
歷陞大理寺卿南京禮部尚書時有傳給事者楚
人怙江陵寵承學居間曹傳數受商人財為言事
皆拒不聽傳恚甚承學於江陵為同年弔慶
都絕乃大懟之會京察遂囑言官疏劾罷歸

孫鑰

獻徵錄字文中餘姚人嘉靖丙辰進士授兵部
主事遷郎中世宗有意神仙之術齋居決事不

視朝奄尹方士輩乘間說鑰上疏極言時事至
引秦始皇為戒又盡發左右諸不法中人恐敗
露格不令達鑰憤懣引疾歸隆慶改元起南文選
郎中歷遷吏部尚書會大計京朝官與考功郎中

趙南星釐刷奸惡及政府私人為世所指名者無一得免士論稱快以病乞歸卒贈太子太保諡清簡

張岳

餘姚縣志字汝宗嘉靖乙未進士授行人選給事中奄人暨盛憑寵盜香資巨萬岳劾之又以

言事侵元相徐階遂出為雲南參議萬厯初厯遷南京右僉都御史督操江會張居正奪情事起南都六卿科道連名上疏乞留之岳獨馳言臣不敢同聲附和居正怒遂撫劾落職居正死復起為僉都御史遷刑部侍郎罷歸

王元敬

山陰縣志字廷臣嘉靖己未進士知許州以清廉著厯遷山東按察使誅大奸朱孔學等

陞廣東布政時奉詔度田以溢額為功元敬檄屬縣据籍為主無妄增額尋以應天巡撫致仕

陳有年

獻徵錄字登之餘姚人嘉靖壬戌進士歷吏部稽勲郎中會成國公朱希忠卒其弟希孝

賄中官馮保援張懋贈王例為請有年曰王爵下
帝一等可倖得耶遂具草曰按令甲凡功臣歿公
追封為王侯為公其子孫襲者非奇功異能生死
止原爵累朝遵之無敢越也正德中英國公張懋
雖得為王然不可為例疏上詔竟王希忠有年遂
移病歸久之起原官調文選廉節素著權貴請托
皆不行選法為清尋擢太常少卿晉右僉都御史
巡撫江西上方需陶器甚急歲增額數千有年再
上疏極諫為量減十之三未幾江西歲半侵復請
盡蠲其難成者千五百器并留南昌魚課皆允
之擢刑部右侍郎進吏部尚書別邪正明貪
廉崇退讓以病乞歸卒贈太子太保謚恭介

孫如法

餘姚縣志字世行萬曆癸未進士授刑部主
事時帝寵鄭妃始生子即欲封皇貴妃而閣

部請立太子并封皇長子母王恭妃皆不許如法
上疏言皇上以貴妃勤勞售之封號則恭妃朝夕
奉御不可謂不勞也貴妃生第三子恭妃生第一
子欲封貴妃不可不並封恭妃不封恭妃不可先
封貴妃此禮之固然序之一定者也疏入神宗大
怒謫為潮陽典史移病歸卒光宗嗣位贈光祿寺
卿少

姜鏡

趙州先賢傳字永明餘姚人萬厯癸未進士授
禮部主事進主客員外郎已拜據寧夏兵圍之

三月不克寧夏城環湖廷議決湖水以灌其城鏡
上疏曰寧夏城中百萬戶不盡賊也而使之一朝
盡為魚鼈乎今已拜與許朝劉東陽三叛鼎立必
有不相下之勢若遣權謫之士入城招降而乘機
搆會以離其腹心使之自相疑貳然後重兵以臨
之三叛之俘當獻之闕下書奏神宗聽其言既而

三叛就殲卒如其策萬厯二十年皇儲未建鄭貴妃與司禮田義潛蓄異謀宰輔莫敢言鏡上疏劾奏義大怒條旨杖午門外神宗以其言直改票革職卒於家光宗即位追直諫功特贈光祿卿先是鏡曾祖榮以劾逆瑾貶外父子羔以忤嚴嵩罷歸及子逢元以修三朝要典忤魏璫見屏姜氏世以直節聞而鏡尤卓卓云

孫繼有

餘姚縣志字姚岑萬厯丙戌進士除刑部主事時行人高攀龍以趙用賢去國疏爭之與

鄭材楊應宿相訐攀龍謫揭陽典史御史吳弘濟復爭亦被黜繼有上疏言高攀龍楊應宿其為君子小人較若蒼素今吳弘濟以救攀龍得貶而凡傾陷善類者日益恣肆賢否倒置莫此為甚疏入上怒削籍後復起用官至知府

朱燮元

越州先賢傳字懋和山陰人萬歷進士歷四

川右布政天啟元年蘭州宣慰奢崇明據重慶反時燮元方入覲就道蜀王率士民遮道留之燮元乃還遣使發諸道兵入援募民徒繕城賊至燮元誓衆登陴城百計仰攻不得志羅乾象者賊梟也諸生有陷賊營者乾象遣歸輸意自此賊營舉動無不悉燮元復使牙將周斯盛偽為書約內應而設伏以待崇明至伏起燒其攻具夜半乾象等內變賊營火起崇明策馬走乾象等來歸時已擢燮元都御史守川朝命甫下乘勝逐北定敘州復重慶賊渡瀘水去而其時水西宣慰安位幼弱安邦彥佐之聞崇明反亦乘間竊發殺巡撫王三善貴州大震乃敕燮元總督貴湖雲川廣五省軍務仍巡撫貴州燮元檄滇兵出烏撒蜀兵出永寧而親移師駐陸廣逼大方密令守將許成名佯敗誘賊深入薄永寧城邦彥恃勇急戰成名與永寧

將使良柱鄧玘等夾擊之賊大潰遂斬崇明邦彥
移檄位諭以內附位遂率四十八日出降變元上
善後疏條便宜九事崇禎七年加少師蔭一子錦
衣衛指揮僉事九年詔出師討五洞叛苗悉平之
乃又通上下六衛并清平偏鎮四衛道路凡一千
六百餘里設亭障置游徼商賈路處道不拾遺十
一年卒賜祭葬變元明敏有度量知

孫如游

紹興府志字景文餘姚人萬厯乙未進士累
官禮部左侍郎光宗即位三日遵遺旨諭閣

臣封鄭貴妃為皇太后閣臣方從哲會禮部議如
游方署部事奏曰考累朝典禮有以配而后者乃
敵體之經以妃而后者則從子之義今遺詔所言
禮所不載也禮不載則先帝念貴妃勞當不在無
名之位號陛下體先帝心亦不在非分之尊崇疏
上封后之命遂寢尋又命封李選侍為貴妃冊封

儀注未上而光宗不豫如游同諸大臣候御榻選侍要皇太子欲得皇后位號傳諭禮部如游曰冊封貴妃儀注臣當次第進呈光宗亦不申選侍意願之而止熹宗立以禮部尚書晉東閣大學士未幾告歸卒贈少保諡文恭

王舜鼎

紹興府志字墨池會稽人萬厯戊戌進士授刑部郎中深究律例嘗曰律死書也而道主

生刑嚴法也而道主慈濫獄枉斷緣不識律耳因合纂律例之要名宣慈錄時與法曹訊事皆引輕例擢四川參政會旱災做常平法以行賑濟兩臺使者俱倚重焉厯陞吏部左侍郎故事天曹卿貳率扃戶遠嫌惟舜鼎不事隱避而人自信其無私拜工部尚書以疾卒諡恭簡

陸夢祖

會稽縣志號瑞庭萬厯戊戌進士知丹徒縣有惠政以薦拜御史出按八閩特疏劾中貴

高彩罪惡置之法厯官南京北尹時魏瑞怙權驕橫夢祖慨然曰吾寧能結好奄豎苟貪富貴乎遂

解組歸

錢象坤

會稽縣志字弘載萬厯辛丑進士選入翰林時朝端黨論初興象坤漠然孤立絕無依附

輔臣葉向高深重之天啟中遷禮部侍郎魏忠賢私人目為繆昌期黨落職閒住崇禎元年召拜禮部尚書京師戒嚴象坤奉命登陴分守祁寒不懈帝微行知之遂特簡入閣累進少保象坤為相頗能自立後引疾告歸卒贈太保諡文貞

鄒維璉

續獻徵錄字德輝新昌人萬厯丁未進士授推官行取補職方郎中疏請去債帥之弊報

可調補考功會楊漣劾魏忠賢二十四罪忠賢矯旨責漣沽直維璉乃上疏言忠賢罪狀既盈願發

下法司據律上奏疏入削籍遣戍崇禎初起南通政司叅議歷陞右僉都御史巡撫福建時海寇劉香攻閩維璉大集舟師鼓勵諸將至峒山與賊戰八晝夜斬首數百焚其舟艦具械殆盡後解官歸

周洪謨

建越州先賢傳字宗猷山陰人萬厯進士授福建延平府推官時福州推官周順昌負清名

洪謨與之埒稱二周天啟二年舉卓異第一行取補戶科即疏劾魏忠賢王體乾等不報會瑞意欲重用東浙人曰越猶吳也壤比粟均應詔東浙稅畝粟如蘇松例主漕者已行單徵發東浙人比戶惴惴莫敢訟言洪謨曰此吾事也浙撫疏來吾當死生爭之及疏至洪謨駁抄曰越東北環海而又有三江之險義雖當輸顧安所得粟且餽舟踰險涉錢塘越風濤種種不便時印在掌科洪謨用白頭抄叅以上人為洪謨危顧詞直終莫能奪議遂止明年順昌被逮洪謨歎曰二周不獨全矣自劾

去崇禎改元起吏科給事中吏部尚書王
永光改亂銓法洪謨疏劾之尋以病告歸

國朝

姜圖南

舊浙江通志字滙思山陰人順治己丑進士
選庶吉士改御史巡視陝西茶馬吳三桂鎮

撫秦州軍伍多踰制圖南劾其無人臣禮巡按兩
淮鹽務革梔封革關橋廳稅革餘鹽鹺政肅清

浙江通志卷一百六十